

LANX SATURA
POSITIONUM
PRIMAS LINEAS
AECOGNITORUM
HISTORICORUM
SUMMA ITEM CAPITA
FRANCORUM ET CAROLI M.
HISTORIA

SUCCINCTE EXHIBENTUM
ATQUE
DEO IUVANTE
IN PERANTIQUA EBERHARDINA
PRAESIDE
MICHAELE HALLWACHSIO,



Historiarum, Eloq. ac Poës. Prof. Publ. Ordin,
Vniuersitatis h. t. Rectore,

A. O. R. clō lccc xxviii.

a. d. 2. Mens. Septembris,

N ACROATERIO PHILOSOPHORUM AESTIUO
VENTILATARUM

NDIDATIS MAGISTERII PHILOSOPHICI

TUBINGÆ,
apud CARL. THEOPHIL. EBERTUM. 1728.



L. S.

EX quo Vniuersalem inprimis Historiam in dulcissimo nostro Athenaeo publice tradere occoepimus, nostram ita semper partiti operam sumus, ut *tribus semestribus* tria, in quae telam nostram diuisimus vniuersam, *Pensa* cum Auditoribus nostris absolueremus. Exposuimus vero *primo semestri*, quae de Historiarum indole, fontibus, adiumentis, diuisionibus et vsu, scitu necessaria et ad Praecognita, vti vocant, spectare duximus, subiuncta ipsa, inde ab O. C. ad Carolum M. vsque, Historia; *Secundo* semestri cum Carolo M. coepimus et in Friderico IV. desimus; *Tertio* denique res à Maximiliani I. aetate ad nostra tempora gestas, pro eo ac par est, enarrauimus. Singulas partes maiores in suas iterum, quas res ipsae postularunt, Periodos distinximus minores, veritati, certitudini, quantum licuit, vtilitati et breuitati vbique maiorem in modum studentes. Sequuti autem primo sumus *Waldkirchiani* Compendii filum; postea vero, non vna ratione ducti, sinceris rerum fontibus diligenter consultis, ipsi stilum vertere atque, elaborato prolixo *Possionum* luculentarum, earundemque idoneis, quos magna contentione vndecumque conduximus, rebus studiose munitarum syrmate, quas docere instituimus, historias contexere sumus adgressi. Quoties igitur cumque ab ovo nostrae nobis incoandae sunt Lectiones, quae congesimus ipsi, prae oculis magis, quam aliorum schemata, habemus. Quum vero iam et spes nobis adfulgear, fore, ut disputantium quoque ex cathedra publica de rebus historicis congressus moderandi frequentior nobis deinceps subnascatur occasio: cum
animo

animo statuimus, ex ista Positionum à nobis concinnatarum farragine illas ex ordine deligere subinde, ac disertantium incudi subiicere, quae praecipuarum saltem, earumque scitu necessariorum et vtilium maxime, gestarum in orbe vniuerso rerum summam complectuntur. Pro cuius instituti ratione producere hac etiam occasione in scenam decreuimus, quae ad *Præcognita* et *Historiam Antæ- et Post-Diluvianam*, eamque *Ante-Monarchicam*, spectant; proxime autem *Primæ, Secundæ ac Tertiæ*; demum *Quartæ Monarchiæ* res, seruata Imperatorum serie, atque vbiuis aliorum Regnorum Populorumque *Synchronismo*, quanta fieri breuitate posset, adiecto, exhibere. Mutare autem isthoc consilium atque, seposito tantisper primo, ab secundo Penso nostro principium capere, ac primis *Præcognitorum* lineis continuo *Caroli Magni* et, quam merito Carolingicæ præimitimus, *Francorum* historiam subiungere certis de causis debuimus. Pergere deinceps quoque isto tramite animus est ad *Maximilianum I.*, immo, DEO indulgente ac rebus ita ferentibus ad nostra tempora vsque; Primæ Parti postremo tandem adiecturi manum. Quod reliquum est, in Positionum formatione atque dilectu, consilii disputandi memores semper, breues tamen & perspicui, quoad eius fieri poterit, erimus. Complectetur autem illud, ad quod iam nos adtingimus, Pensum *Periodos quatuor*; quarum I. cum *Henrico Aucupo*; II. cum *Henrico Nigro*; III. cum *Alphonso Castellano*; IV. cum Maximiliani Patre, *Friderico*, desinet. Periodus I. *Sessione I.* de Francis generatim & originibus Caroli M. Francis, *Sess. II.* de Imperatoribus Franco-Carolingis; Eiusdem autem *Capitulis singulis* de singulorum, ad Henricum Aucupem vsque, Imperatorum rebusaget. Age igitur, ad rem progrediamur ipsam, proximis actutum positionibus primas

Præcognitorum, de Historia generatim,

ducentes lineas.

Pos. 1.



POSITIO PRIMA.



Nte, quam in ipsum Historiarum oppido amplum, anfractuolum & difficilem, excurras campum, *de Historia generatim, Natura eius, Divisionibus, Fontibus, atque Subsidiis, Fide &* quae id genus alia sunt, quantum pro scopo tuo satis est, didiceris, e re tua, immo necessarium est.

II.

Est vero Historia rerum omnium, vel producentium alias, vel natarum, vel productarum, vel gestarum ab aliis, siue scientia seu notitia, siue descriptio, siue narratio, vel ex propria cuiusvis contemplatione atque experientia;

A vel

vel ex aliorum relatibus atque fide
profecta.

III.

Vox ipsa Graecis, vti disciplinarum
ab istis ad Romanos translatarum ple-
rarumque omnium, suam debet origi-
nem; latina ciuitate olim iam donata.

IV.

Qui sua interesse arbitrantur, vt cu-
bilia eius non ignorent, omnium mi-
nime a ianua, quod aiunt, aberrabunt,
si in vocabulo ista quaerant, quod sci-
endi, atque inde testis, arbitri, iudi-
cis, periti, notionem subgerit.

V.

Alia autem est *Historia*, alia *Historice*.

VI.

Haec scilicet praeit modum, quo
tradi recte, texi apte, legi prudenter
atque iudicari sapienter ista debeat: vt
fidem

fidem inueniat, vt doceat, vt proficit
atque delectet.

vii.

Neque sane inutilem lufisse operam
censendi sunt, qui olim atque nostra
aetate in ea quoque excolenda multi
fuerunt atque seduli.

viii.

Vti de cetero Historiae accidit, vt
vel sciatur tantum, vel scribatur etiam,
vel narretur: ita in aliam notitiae seu
scientiae, in aliam narrationis siue com-
memorationis titulus speciatim cadit.

xi.

Occupatur Historia rebus, seu re-
rum recensu;

x.

Vel, si mauis, ne rerum vocabulo
abuti videamur, omnis Historia est
vel verborum, vel rerum, vel actio-
num cum omnibus, quae illas antece-

dunt, comitantur & consequuntur,
circumstantiis spectatarum.

xi.

Historia *verborum* debet explicare
vocabulorum impositionum & decli-
natorum, variisque institutis destina-
ta opera fictorum, origines, rationes,
fata, usus & abusus, scholasticos, ci-
uiles & ecclesiasticos, incredibilem,
si felicia isti & sedula operarentur in-
genia, in Scholis, Republica & Ec-
clesia praestitura utilitatem.

xii.

Historia *rerum* rationem habet o-
mnium, quae sunt & quae fuerunt, quae
aliis, ut sint, causa extiterunt, &
quae aliis, quod sunt, acceptum rete-
runt, quae Deo auctori, & naturae,
quam vocant, viribus vel & homi-
num ingenio, industriae ac sollertiae
debentur.

xiii.

xIII.

Huius pars nec ipsum rerum quarumvis conditorem, eoque & primum omnis Historiae fontem, negligit; mire tamen a Gentilium miseris commentis corrupta est; posset autem vocitari *Divina*.

xIV.

Pars hominum speciatim, ortus, multiplicationis, dispersionis, ortaeque inde, qua indolem, corpus, linguas, studia, diversitatis tradere Historiam, & *Humana* nominari posset.

xV.

Pars globi terraquei descriptioni vacat, ac *Geographica* & *Hydrographica* dicitur.

xVI.

Quae conditarum vero rerum reliquarum totiusque istarum Systematis phaenomena, vires, adfectiones, ef-

fectus rationesque, vſu, ſenſuue, ac ratione animaduertendas, colligit ex inſtituto, explicatque, ſpeciali nomine ac ſenſu *Naturalis* vulgo adpellitur.

xvlll.

Scite illa in *Narratiuam* atque *Inductiuam*, haecque in *Historiam Generationum*, *Praeteregenerationum* ac *Mutationum* per *artem* diſpescitur.

xlx.

Vtriusque ſpecimina egregia & antiquitas, & noſtra curioſior limatioque aetas copioſis, iisque auro contracarioribus, lectuque iucundiſſimis, voluminibus dedit, quorum hiſtoria perutilis eſt.

xx.

Quae ſcientiarum, eruditionis circulum abſoluentium, atque ab quibus peculiari ſenſu ac titulo eruditi quidam celebrantur, indolem, origines, media, habi-

habitu ac nexum inter se, fines, fata, incrementa, decrementa, impedimenta, commoda & incommoda, Patronos, hostes, Promotores, horumque singularia, sententias ac inuenta, societates, ampliores & arctiores, ordines, instituta ac subsidia, aliaque isthuc spectantia, exponit, *Litteraria* audit, magnis nostra inprimis aetate & aucta accessionibus & culta eximie viris.

xxl.

Quae artium, liberalium & sellulariarum, artificiorum, opificiorum, artificum & opificum, inuenta, methodos, instrumenta, commoditates & incommoditates, instituta, vtilitates & abusus, in vita ciuili, pacis bellicae tempore, & communi, apud vniuersos & singulos, commerciorum item, ac rei militaris, naualis speciatim, rationes explicat, *Artificialis* nomine veniunt

nit, sui tot auide expectans cultores,
quotquot passim expetitur celebra-
turque commendatoribus.

xxll.

Quae farraginem ex istis omnibus,
nulla connexionis inter argumenta
habita ratione, miscet, vnoue fasce
colligat, virorum magnorum, gra-
uium & doctorum, succincta de rebus
personisque variis iudicia, argutas
comparationes, animaduersionesque,
ac alia iocose atque acute pronuncia-
ta; breues obseruationes morales, po-
liticas, physicas, historicas, criticas,
in vnum fundit, salutatur vulgo *Mi-
scellanea*;

xxlll.

Cuius specimina & fontes, vt anti-
qua veteris & medii aeui taceamus
monumenta, praebent inprimis Lu-
theri Mensalia, Scaligeriana, Perro-
niana, Thuanea, Colomesiana, Sel-
denia-

deniana, Menagiana, Valesiana, Sorberiana, Cheureana, Ancilloniana, St. Euremoniana, Naudeana, Patiniana, Taubmanniana, Conringiana, aliaque eiusdem generis Anascripta, & Miscellae Historiolae, passim teri solitae.

xxIII.

Historia *actionum*, quae inprimis nostram exercebit industriad, est scientia seu Notitia solida praeteritorum, omnium vsui adcommodata;

xxIV.

Siue iusta commemoratio omnium memorabilium nostra maiorumue nostrorum aetate, in toga sagoque, in Republica sacra & ciuili, vel circa illam vere gestorum, ex genuinis fontibus prudenter hausta, decenterque facta, memoriae rerum, formandisque pie, prudenter, bene atque beate

B

viven,

viuendi agendique praeceptis , adprime inferuiens.

xxV.

Licet hinc colligere, quae de materia & fine, de diuisionibus & differentiis, de fontibus & fide historiarum, quae heic iam in censum veniunt, historicorumque officiis, virtutibus & vitiis obseruanda sunt.

xxVI.

Scientiam nunc seu notitiam, nunc commemorationem, nunc narrationem, certo consilio vocamus Historiam.

xxVII.

Actiones vero huc pertinere putamus Dei, Hominum, ac, de quibus luculenter constat, Spirituum.

xxVIII.

Historici, qui *υπηρετοι της θειας προνοιας*, seu diuinae prouidentiae scribe audiunt, boni.

bonitatis, sapientiae, iustitiae & potentiae diuinae monumenta vbique statuant.

XXIX.

Gesta hominum quod spectat,
 μνημὸς ἀξία, ἀξιωματικόν, ἀξιολογία, ἀξιοφύγητα,
 veteres recenseri voluerunt;

XXX.

Scilicet, quae pietatis, quae prudentiae cuiusuis, publicae & priuatae, Rectoriae, Legislatoriae, Iudicialis, Militaris, Mercatoriae, Oeconomicae documenta subministrare apta nata sint.

XXXI.

Sapientem vbique delectum fieri cupimus.

XXXII.

PLUTARCHI nempe praeceptum, non ex iis, quae ad manum sunt, ac domi & in triuio reperiuntur, sua depromenda

da historico, vocemque AMMIANI MARCELLINI, historiam non humilium indagare causarum minutias, adferentis, probamus, sed & DAMIS regulam: etiam ea, quae de mensis Deorum decident, colligi oportere, ne ambrosiae illius pereat quidquam.

xxxiii.

Sed nec cum DIONYSIO HALICARNASSENSI facimus, qui primum Historici officium putat: materiam eligere pulchram & quae animos legentium audientiumue perfundat;

xxxiv.

Pollicem potius prementēs LUCIANO, *το χρησιμον* magis, seu vtilitatem, quam *το τερπνον*, seu iucundum, respiciendum esse, statuenti.

xxxv.

Vti vtilissimum quodque, ita quoque iucundissimum sapienti.

xxxv.

xxxvi.

Praeterita autem narrat Historia;

xxxvii.

Sed ea pariter, quae nostra aetate
accidunt, atque illa, quae a nostro aevo
remota;

xxxviii.

Vere tamen gesta omnia.

xxxix.

Abutuntur enim Historiae vocabu-
lo, qui fabulares Historias, qui My-
thistorias crepant, quarum patriar-
cha, insignis nugator, Homerus, plus
mysteriorum accipit ab sui cultoribus,
quam ex proprio dispensat sinu ac
penu.

xl.

Decenti modo etiam, ordine ac di-
cendi genere narret Historicus, postu-
lamus.

lxi.

XLI.

Locis, temporibus, personis omnia
convenient; quae ad consilia, causas,
siue veras siue fictas, media & euentus
spectant; dictionis item perspicuitas,
puritas, ornatus & decorum obser-
uentur.

XLII.

Ista vero omnia, quum faciat Hi-
storicus, vt memoriam gestorum con-
seruet, ex quibus praecepta pietatis &
prudentialiae generalia formentur, qui-
bus ad bene beateque viuendum in-
structiores felicioresque fiamus: Finis
Historiae internus & proximus, ex-
ternus & remotior, atque vltimus, nec
non incredibilis in omni vitae genere
ac parte utilitas, dispalescit.

XLIII.

Immo ex dictis nullo negotio non
tantum discitur, quid intercedat disci-
mini

minis inter Historiam atque inter Memorias seu Commentarios Historicos, Annales, Chronica, Fastos, Ephemerides, Menologia, Centurias, Decades, Semestria, Nouellas, Biologias, Fabulas Romanenses, &c. sed & diuisiones Historiae nouae ultro patent.

XLIV.

Scilicet, quae vel circa Ecclesiam, vel in Ecclesia gesta enarrat, *Sacra* vocatur, duosque iterum in ramos abit.

XLV.

Si ex Veteris & Noui Instrumentorum pandectis edisserat omnia, quaecumque Deus T. O. M. suae gloriae amplificandae causa & in hominum omnium salutem egit, *Diuina* meretur dici, atque comprehendit Historiam Oeconomiarum diuinarum, ante lapsum, post lapsum, sub Patriarchis, sub

sub Lege, ac post Legem, nec non iudiciorum diuinorum, quae vocant, circa homines singulos, societates minores, maiores, regna & imperia horumque conuerſiones;

XLVI.

Sin vero exponat, quae homines in Ecclesia, circa religionem, eamque veram & falsam, circa varios ritus & leges, vel priuatim, vel publicis in conuentibus, egerunt, statueruntque, ac illorum causa passi sunt, quibusque ista conuerſionibus praebuerint occasionem, *Humanac seu Ecclesiasticae* nomen induit; atque iterum vel *Veteris* vel *Novi Instrumenti* est, minoresque de nouo sectiones plures, vel ab rebus ipsis, insignioribusque mutationibus, vel temporum periodis petitas, admittit,

XLVII.

Quae vero actiones, statum civilem seu Rempublicam, pacis bellicue
tempo.

temporibus, spectantes, ad eiusque compagem firmandam tuendamque susceptas, exponit, *Civilis* vocitatur, estque.

XLVIII.

Vel *Rudis* atque *Incoata*, qualem Memoriae, singularium factorum qualemcumque consignationem seu de certis negotiis & personis in priuatos usus conscriptas obseruationes complexae exhibent, vel *Iusta* & *Perfecta*, quae res virorum insignium iusta serie, decenti stilo, obseruatis rerum principiis, occasionibus, causisque ac euentibus consiliorum, notatis personarum characteribus, virtutibus & vitiis, locorum & temporum opportunitatibus, mediorum rationibus, ex sinceris fontibus adhibitisque adminiculis commodis, pro eo ac par est, commemorat.

XLIX.

Utraque autem, Sacra pariter atque Ciuilis, immo reliqua historiarum genera, alias quoque ex variis causis patiuntur diuisiones, v. g. in *Uniuersalem*, eamque rursus *absolute*, vel *certa ratione talem*, in *Particularem & Singularem*; in *Antiquam*, *Mediam & Nouam*, aliasque plures, quae pro diuersis institutis diuersas iterum periodos & subsecutiones admittunt.

L.

Genuini *Fontes*, ex quibus profluere Historia debet, sunt: *Experientia propria*, qua florent, qui oculis vsurparunt, qui auribus perceperunt, quae scribunt, vel qui gestae rei pars fuerunt, & gloriari cum *POLYBIO* queunt: quod non spectatores modo plerorumque, sed adiutores, & auctores, administratoresque, exstiterint.

LL.

LI.

Experientia aliena, seu fides & monumenta Scriptorum, vel aequalium, vel aliorum, de quibus constat, nec voluntatem nec facultatem cognoscendi ac scribendi vera ipsis defuisse:

LII.

Chartae publicae & publicorum negotiorum instrumenta, ex Tabulariis seu Archiuis vel conquirenda, vel, quae nostrae aetatis felicitas est, iam vulgata:

LIII.

Diplomata speciatim, seu Imperatorum, Regum, Ducum, Comitum litterare, certis formulis conceptae signisque munitae, priuilegiorum beneficiorumue collatorum testes; subacto iudicio & lectae & examinatae miram historiis quibusuis lucem adfundentes.

LIV.

Quibus accedant inseruiantq; egregia atque oppido necessaria *subsidia*, ex

nologia, Geographia, Genealogia, Heraldica, Numismatica, notitia Sigillorum, Inscriptionum & Picturarum: in quibus hospes esse nequit, & qui condere recte, & qui probare solide, & qui examinare prudenter atque legere fructuose historias cupit.

LV.

Sed hinc quoque patet, de *Veritate*, & qua haec nititur, de *Fide* historica, quid sentiendum sit; quam qui proscribere auserit omnem, dignus, qui proscribatur, declarandus: quippe qui & Religionis & Reipublicae fundamenta concutiat, eversumque eat omnia.

LVI.

Prostant Historiae, indignae quidem illae nomine isto, quae nullam prorsus, saltem in paucis merentur fidem, quae confictae, quae omnino falsae sunt; quarum auctores ad *Ephori* istius

istius *Anacani*, vel *Petri de Marteau*, eiusque heredum, familiam pertinent, quibus non magna molitione detrahenda est auctoritas;

LVII.

Sed in pietatem, in prudentiam, in societates omnes, in te ipsum iniurius sis, oportet, si ea classe censueris in uniuersum omnes.

LVIII.

Nec veris detrahit, esse quoque falsas.

LIX.

Haeres anceps, quae his, quae istis accensendae? vereor, ut culpa in historiis magis, quam te ipso inuenienda sit?

LX.

Qui perspicacia mentis, iudicandi facultate, atque res quasvis facile internoscendi dexteritate non vulgari pollet, ac voluntatis integritate ac serenitate floret;

C,

LXI.

LXI.

Qui elegantioribus litteris probe imbutus, Moralis & Politicae doctrinae praeceptis in primis haut leuiter tinctus est;

LXII.

Qui diligens omnium Scrutator & indefessus indagator est;

LXIII.

Quem non piget cuiuslibet scriptoris explorare characterem, quis fuerit? quam doctus, quam prudens, quam diligens ac a partium studio alienus? Num aliqua Reipublicae administrandae pars ad eum pertinuerit, anue Ecclesiae docendae vel regendae munus obierit, quae sectatus sacra fuerit? Ubi egerit? praesens ne rei, ac personae, qua descripsit, fuerit; quando scripserit? quo animo aduersus rem, vel personam adfectus fuerit, de qua scripsit; Eiusne interfuerit, rem ita, vel
secus

secus fuisse gestam? nocere ne, an prodesse ipsi potuerit is, de quo scripsit? Scire vera num potuerit, & voluerit? quibus subsidiis usus, fontibus, documentis, testibus, quo genere dicendi ac schemate? omnesne, an quosdam tantum, vel consentientes vel dissentientes habuerit, & qui isti, utrum eiusdem, an diuersae factionis & ciuitatis fuerint? & quae sunt generis eiusdem;

LXIV.

Quem non taedet, eorum quoque, de quibus narratur aliquid indolem, natales, parentes, magistros, educationem, consuetudinem cum aliis, corporis, animique habitum, studiorum rationes, propensiones, vitae genus, agendi vel praecipitanter, vel considerate, vel cunctanter, modum, vitia & virtutes, prudentiam & imprudentiam, &c. explore cognoscere;

LXV.

LXV.

Qui nihil facit reliqui, vt res ipsas, quae commemorantur, earumque circumstantias omnes penitus intelligat, curateque expendat, num per animi corporisque vires in eum cadant, cui adscribuntur? num eo fieri tempore potuerint, quo contigisse dicuntur? Quae sub idem tempus, vel ibidem, vel alibi locorum, vel ante vel post facta sint, ac vel impedire illa, vel promouere potuerint? vtrum vno, an pluribus, ac quibus illa testibus prodita sint?

LXVI.

Hac mente mañus, haec singula ea, qua par est, adtentione in historiarum lectione ac examine pensi habens, non poterit non peruidere, quid cuique historiae sit tribuendum.

LXVII.

Supra morosissimos Scepticos incredulus sit, atque voluntate potius, quam

quam intellectu, vel certe utroque labore, necessum est, quisquis in dubium non dubitet vocare historiam, quam idonei testes referunt, quos nullo studium partium reddit suspectos, qui scire rerum seriem potuerunt, qui conspirare in mendacium vel nequiuerunt plane, vel conspirasse conuinci non valent, qui diuersis locis, diuersis temporibus vixerunt, diuersis partibus addicti fuerunt, qui nulla spe, nullo amore, periculo nullo, nullo odio ducti scripserunt, qui latuerunt, sua etiam, dum hominum inter fuerunt rebus, diu in luminis auras prodire passi non sunt; quam nec Diplomatum fides, nec Archiuorum documenta, nec Geographia, nec Genealogia, nec Temporum, nec Annorum, nec Sigillorum, nec aliorum antiquitatis monumentorum rationes dubiam faciunt, falsamue.

D

LXVIII,

LXVIII.

Faceſſant igitur ac indigni habeantur fide, fidei humane omnis hoſtes, GUEUARAE, MORINI, HARDUINI ac reliqui eiſdem furfuris fraudum inauditarum architecti, BAELIO & VOSSIO, aliisq; memorati.

LXIX.

Ceterum prudentem moderatumque Pyrrhonismum Hiſtoricum, circa factorum rationes inprimis, minime improbamus.

LXX.

Inter *virtutes Hiſtoricorum* familiam ducunt, pietas, ſedulitas, incorruptum veritatis ſtudium, prudentia & eloquentia.

LXXI.

Ex quibus eluceſcunt, vel indicentibus nobis, praeſcipua eorum *vitia*, qua claſſe cenſemus, impietatem, leuitatem, oſcitantiam, ruditatem, ſcenae hypothe-

thesique ac partibus inseruendi studi-
um, odium, metum, ambitionem, &
id genus alia.

LXXII.

Qui audire cum fructu & legere ge-
stiunt historias, exacto iudicio, quod
speciatim Historicum voces, emen-
dataque voluntate floreat, necessum
est.



PERIODUS PRIMA

Historiae Imperatorum, à Carolo M. ad Henrici
Aucupis obitum, imprimis Franco. Carolin-
gorum.

SECTIO I.

De Francis atque Originibus Caroli M.
Francicis,

I.

REm faciunt non vno nomine lon-
ge vtilissimam, qui veterum Fran-
corum Historiam curatius excutiant,

D 2

resque

resque decantatissimae gentis sollicitius inuestigant.

II.

Sed grauem molestamque operam fuscipiunt, qui fricandae isti aristae adcommodant lacertos.

III.

Siue enim de nomine gentis, nominis ortu, significatu & occasione, sive de gentis originibus, sedibus, regibus compellaueris Scriptores, quorum audienda heic vox est, atque vtramque facit paginam auctoritas; dubii multum, certi autem, nisi pertinaci contendas opera, parum ex pugnantibus sibi contradicentium verbis, vel saltim fluctuantium aut tacentium, paginis referre licebit.

IV.

Delibare tamen pauca lubet, de scriptoribus, de indole gentis, de nomine, huiusque origine prima, sensu & occasione.

casione, de gentis ortu, fatis sub imperatoribus ad A. 1418. sedibus, populis, regimine, regibus & Maioribus domus ad *Pipinum* vsque.

V.

Adeundi autem a Francorum historiae conditoribus AURELIUS VICTOR, EUTROPIUS, AMMIANUS MARCELLINUS, VOPISCUS, ZOSIMUS, PROCOPIUS, AGATHIAS, LIBANIUS, HIERONYMUS, CLAUDIANUS, AU-SONIUS, GREGORIUS TURONENSIS, SIDONIUS APPOLLINARIS, & qui his vsi sunt, TILIUS, VALESIUS, HERMANNUS COMES NUENARIUS, CLUIERIUS, PONTANUS, aliique a *Joh. Nicolao Hertio*, in *Notitia Regni Francorum veteris*, *Andrea du Chesne* in *Bibliotheca Chronologica ab originibus Regni Francici ad sua usque tempora*, *Andrea & Francisco du Chesniis*, in *V. Tomis Historiae Francorum Scriptorum*, *Marquardo Frehero*, in *corpore Hist. Francicae*, *Hermanno Dieterico Meibomio*, in *Dissertatione de Gallicae Historiae Pe-*

riodis & Scriptoribus, *Illustrissimo Monumentorum Paderbornensium Auctore, Francisco Hottomanno, in Franco-Gallia & Henrico Cocceio, in Juris Publ. Prudentia, aliisque pluribus, nominati.*

VI.

Cavendum autem sibi hac in historia putent, monente B. NEUIO, rerum gestarum Scrutatores ab HUNNIBALDO, siue *Theodosii*, siue *Iustini* iunioris, siue *Clodovaei* aequali: ferrei quippe oris, plumbei cordis, impudente, nec tressis Scriptore, quo nihil ineptius stultiusque, scribente VOSSIO, fabuloso & suppositio, dicentibus HERM. COM. DE NUENARIO, & HADRIANO IUNIO; immo quantus quantus est, a *Trithemio* confecto, iudicante LEIBNITIO, non historico, sed Mythariographo adserente NICOL. SERARIO, cui nemo, praeter *Trithemium*, *Dionysium Gothofredum* & *Dilenium*, (forte & *Crusum* nostratem) tribuit fidem

dem, probante IOANNESCHILTERO, adeoque inter doctos impostores merito referendo, censente STRUUIO.

VII.

Nemo vero luculentius Francos descripsit famosissimo IV. Seculi Sophista, LIBANIO, a numero immenso, animi corporisque robore, laborum tolerantia, mauortio genio, insigni in armis tractandis dexteritate atque constantia istos depingente.

VIII.

Quorsum & SALICAE LEGIS PROLOGUS facit, quo Gens Francorum fortis dicitur in armis, profunda in consilio, corpore nobilis & incolumis, candore & forma egregia, audax, velox, aspera, & robore valida, quae durissimum Romanorum iugum de suis ceruicibus excusit pugnando.

IX.

IX.

Ut vero & alii nandi dexteritatem, nauticae aliarumque rerum peritiam, immanem corporum proceritatem, aliaque in istis collaudant: ita quoque sunt, qui foedisimas turpissimorum vitiorum notas ipsis inurunt.

X.

Ceterum Gens Francorum vetusta est; nomen recentius, recte pronunciant FRANCISCO GUILLIMANNO.

XI.

Quum *Iulius Caesar*, qui trans-rhenanam (cum Romanis loquimur) Germaniae oram primus aperuisse suis celebratur, nec nouerit, nec nominauerit Francos vspiam, nec Frangones, seu Fangones potius, Franci sint: mirifice falluntur, qui CICERONIS aevo percrebuisse nomen Francorum opinantur.

XII.

xlii.

Nec JOSEPHI GORIONIDIS tanti apud nos
est auctoritas, ut ridiculae sententiae
quidquam tribuamus.

xlii.

Aeuum STRABONIS quoque nesciuit
Francorum nomen.

xlii.

Nec ante Christum natum 30, &
quod excurrit, annis rex *Francio* Fran-
cico nomini originem iam dedit; vel in
Marsico Bello, dux *Francus*,

xlii.

Sed nec sub medium demum secu-
lum a nato Christo tertium auditum
Francorum nomen esse, famosissimi
CHRONICI ALEXANDRINI auctoritas nobis
persuadet.

xlii.

Quum FLAVIO VOPISCO, Syracusio,
auctore, sub *Aureliano*, eoque nondum
Consule, nectum Caesare tantum ab-
E est

est Imperatore, sed legionis sextae Gallicanae apud Maguntiacum tribuno, primum, adeoque vel ante, vel saltim continuo post trigesimum tertii a nato Christo seculi annum, auditam Francorum vocem esse, constet.

xvll.

Galliceno Imperatore sua Romanorum armis opposuere, in Decennalibus *Galliceni* inter simulatas gentes locum nacti, direpta Gallia, in Hispaniam & Africam nauigiis dilapsi.

xvlll.

Probo quidem adclamatum, Tu Francicus, Tu Gothicus, Tu Sarmaticus, Tu Parthicus, Tu omnia! eo tamen, & postea *Diocletiano*, *Maximianoque*, Imperatoribus, piratica celebre nomen, immo descisciente ab Romanis *Carausio*, Batauiam aliasque circa Rhenum terras nacti videntur, in leges quoque Romanorum recepti.

xlix,

xlx.

A *Constantio Chlora* in Britannia pariter atque Batauia male habiti, fusi, capti, in desertas Galliae regiones abducti sunt: ut pacem Romani imperii cultu iuuarent, & arma dilectu.

xx.

A *Constantino M.* reges quoque Francorum, *Alaricus* & *Regisus*, in spectaculis obiecti feris, atque ferocissima gens in ipsis Hispaniarum oris represla dicitur, numis & Panegyricis testibus.

xxl.

Constans dubio Marte cum Francis videtur pugnas se atque pacem tandem fecisse.

xxll.

Sub *Constantio* iuniore Germania inferior furorem ipsorum experta, sed facies rerum mutata est, *Claudio Iuliano*, fortissimo & callidissimo Caesare, semel atque iterum ipsos vincente atque ad deditionem adigente.

E 2

xxiii.

XXIII.

Valentiniano I, Gratiano, Theodosio I, & Honorio Imperatoribus, aliquoties turbas, sed & poenas & manus dederunt; Ab *Alanorum, Sueuorum & Vandalorum* (quos quidem victos antea etiam a Francis fuisse RENATUS PROFUTURUS FRIGERIDUS memorat) gentibus quoque ad incitas pene redacti.

XXIV.

Postea tamen, federe cum *Iouino* aduersus *Honorium* atque Treuerensi expeditione illa iterum inclaruerunt, ac paullo post victricibus armis terrori omnibus fuerunt.

XXV.

Vnde vero Francici nominis ratio petenda sit? nondum conuenit eruditos inter, harumque curiosos rerum viros,

XXVI.

Neu fidem decoxisset, quem atro iam notauimus calculo, HUNIBALDUS, facili
heic

heic opera nos expediremus, atque Francos nomen suum a *Franco*, seu *Francione*, qui populum Francorum ex Sarmatia in Germaniam translatum, post reges Sicambros, 38. circiter annis ante natum Christum rexisse fertur, traxisse contenderemus.

xxvii.

Sed ex sinceris canae antiquitatis tabulis, minime *Annii* cuiuspiam, vel & TRITHEMII, AIMOINI, GAGUINI, CRUSHUE auctoritatibus agere mecum debent, qui, ut *Francionem* istum deosculer, cupiunt.

xxviii.

Neque putauerim, Francos a corrupta voce graeca, quasi *φραγκός* dictos: quis enim, ut alia taceam, Germanicae gentis globum a Graecis repetuisse nomen, credat?

xxix.

Francos antea *Troianos*, post *Ante-*
E 3 uori-

noridas tum *Sicambros* adpellitatos, *Valentinianum* a ferocia vocitasse, fabulosis nititur commentis,

XXX.

Nupera DOCTISSIMI VIRI sententia, qua ex antiqua voce, piratam, eiectum, exfulem, latronem notante atque *Cimbris* imposita, warge vnde wrage, wrace, wraece, vraece, (*fred*) inde Frace, atque tandem Franke, Francus deducitur, erudita atque ingeniosa est;

XXXI.

Sed vereor, ne vel contendant alii, vim vocibus inferri, dura quaedam, atque incertum esse, an alterum *Cimbrorum* nomen, quod nec PLUTARCHUS indicet, statim Wargorum sit; vel negent, sequi: septemtrionalibus in oris latrones Wragi adpellati sunt: ergo gentis nomen illud euasit: vel quaerant: vbi Franci ante iam patrium habuerint solum, vt, quum in ultimo Cimbriae

cccs.

cessu haerent, cadere eiektorum in ipsos, atque exfulum potuerit nomen?

xxxii.

Sed nec opus est, longe petita heic sectari: quum Germanicae gentis nomen omnium optime ac facillime a voce Germanica *Frank*/liberum signante, repetatur:

xxxiii.

Sponte ita omnia fluunt, signum rei signatae competit: adpetentissimos libertatis, studiosissimosque, Francos semper fuisse, omni conclamante historia.

xxxiv.

Immo sic quoque occasio adsumti vel impositi nominis panditur.

xxxv.

Quum nimirum *Germaniae Magnae* populis, libertatis vti amantissimis, ita a communibus publicarum rerum formis perditae abhorrentibus, separatae singulorum rationes mirifice semper pla-

placuerint, vix paucorum inaequalibus, atque ad rei summam parum conferentibus, intercedentibus federibus;

xxxvi.

Inter haec vero diuisae ita vires exterorum insidiis, vi & corruptioni ita paterent, vt vel ad bella intestina, ea-que internecina, accenderentur, invincibiles alias populi, vel nonnulli ad vniuersae gentis hostes concederent, vel plane subiugarentur nonnulli:

xxxvii.

Cladium & periculorum sensus tandem ad omnes ita penetrauit, accedente apud nonnullos lautioris in alieno solo fortunae spe, vt societates hactenus dispersae arctioribus federibus coirent, pluribus deinceps eodem nomine gauisuris, communique consilio & scopo omnia acturis.

xxxviii.

xxxviii.

Exemplum aliis primum praeiuisse videntur, collecti, inclinante secundo seculo, sub *Antoninis* atque a *Caracalla* sub nouo in litteris Romanis nomine vi-
cti, *Alamanni*, (vt EUTROPIUS, AMMIANUS & VICTOR semper fere scribunt,) seu *Alambani* (vt DIO) *Aleman*i seu *Allemanni*, (vti vulgo) h. e. ex variis Germaniae populis conuenae.

xxxix.

Haud admodum multo post alia in-
signis variorum in Germania populo-
rum multitudo, diuersis antea nomini-
bus distincta, contribulium, *Allemanno-*
rum, immo ipsorum olim *Romanorum*, ex-
emplis excitata, variis occasionibus
subinde aucta, alieni iugi atque irru-
ptionum impatiens, melioresque sedes
anhelans, inclinantibus Romanorum
rebus, sub ignavis & voluptuosis im-
peratoribus, antiquum imperium ex-
F cutiendi

cutiendi, neque vllum aliud posthac admittendi, cepit consilium, neque voto suo excidit ferreus ferocium hominum globus, obfirmato prorsus animo pericula & quosuis casus excipiens, atque omnia vbique perrumpens, ipsamque in Galliam traiiciens, istudque regnum sibi subiiciens: ita vero *Francorum*, omnium imperiis solutorum, eum quidem non gentis hactenus, sed studii & consilii, vel imponens sibi ipse, vel ab aliis accipiens titulum, tuensque.

XL.

Quae autem bellica primum fuit, in ciuilem postea eualuit, societas.

XLI.

Interim origo *Francorum* Germanica & trans-Rhenana ex dictis quoque elucescit,

XLII.

Fabulas & inania somnia orbi erudito

dito obtruserunt, qui *Francos*, Troia pulsos, ad Maeotidem Paludem, mox in Danubium & Pannoniam, Sicambriae ibi auctores, nauibus venisse, inde a *Valentiniano* euocatos Romanis contra *Alanos* militasse, tandem in Germaniam, Galliasque penetrasse; partem etiam in Macedonia *Alexandri M.* signa sequutam.

XLIII.

Quae quam male cohaereant, & absurdissima sententiarum monstra alant, in aprico est.

XLIV.

Interim videtur istis fabulis ansam potius praebuisse Francicae illius manus, *VOPISCO* auctore, sub *Probo* per Graeciam, Asiam & Oceanum nauigatio, difficilisque post longos errores in patriam reditus, quam nominum *Priami* & *Pharamundi* adfinitas.

XLV.

Sed fumos quoque vendunt doctissimi

fimi cetera Galli, qui ex Gallicis in Germania Coloniis *Francos*, atque ita ex regione quidem, non tamen gente Germanica oriundos esse, crepant, inepte fastidientes Germanicas gentis suae origines.

XLVI.

Vti enim testibus sententia isthaec idoneis destituitur, omnisque acui scriptoribus contradicit potius, atque dubiis premitur grauib: ita ab sapientissimis Gallis, immo ipsis Galliae regibus quibusdam, reiecta olim iam fuit.

XLVII.

Sedes Francis in *Germania Barbarica* antiquissimas inter Albim & Mare Balticum, deinde Albim inter ac Visurgim, demum Visurgim & Rhenum inter, vnde transmisit Rheno, in Romanas regiones progressi sint atque victis *Allemannis, Burgundionibus & Wisigothis*, florentis-

rentissimum regnum in Gallia & Germania parte condiderint, adsignauit LEIBNITIUS, GEOGRAPHI *Anonymi*, RAIUENNA-
TIS, ERMOLDI NIGELLI, Franci veterum a palude Maeotide Francos arcescentium, PROLOGI item LEGIS SALICAE, nec non ROMANAE HISTORIAE SCRIPTORUM testimoniis nixus.

XLVIII.

CL.V.IO. GEORG. ECCARDUS primas Francorum sedes describit inter Eidoram & Warnam, in maxumae septentrionali Cimbricae Chersonesi recessu, *Mauringiam*, quam GEOGRAPHUS RAIUENNAS maiores *Francorum* incoluisse refert, vocans regionem moris, siue paludibus plenam, eoque nomine intelligens, *Wagriam* & vicinas prouincias cum Lunenburgicis & Meklenburgicis terris, Mauringiae titulum moris, lacubus & paludibus suis merentibus ;

das vero sedes Francorum ab Albi ad
Salam Franconicum extendens.

XLIX.

LEIBNITIO doctissima obiecerunt du-
bia MAGNI *nostri acui* VIRI, quae IPSE qui-
dem, atque ECCARDUS, diluere aliquoti-
es adgressi sunt.

L.

Nobis sufficere heic potest, extra
dubitationem positum esse, sincerum
Germaniae populum adseri, atque in
Germania Barbarica collocari, à dispu-
tantibus *Francos*.

LI.

De re omni autem ita videtur: tan-
tamese scriptorum, ex quorum pen-
dendum heic verbis est, magnam par-
tem barbarorum obscuritatem, tan-
tam antiquorum nominum corruptio-
nem, tam variam eorundem flexio-
nem, tantam finium orbis veteris incer-
titudinem, toties repetitam mutatio-
nem

nem, tam multiplicem veterum gentium palabundarum sedium variationem, vt nullo negotio in id genus rebus dubia dubiis cumulari possint: ad viuum igitur refecanda non esse omnia;

LII.

De cetero autem solidis probari argumentis posse: maritimum fuisse populum *Francos* primos, ex littorali tractu Germanici maris, seu insula quadam effusum, primum quidem sua contentum forte, eoque minus celebratum;

LIII.

Proprio nomine suo ac facinoribus inclarescentes Rhenum, Visurgim & Albim inter, PEUTINGERIANA tabula sedes signante, hospitatos esse;

LIV.

Initium exitus eorum ex primis sedibus & susceptae postea ad Rhenum usque excursionis, post medium secundum

cundi a nato Seruatore seculi vero simillime poni.

LV.

Excitis scilicet eo tempore ex intima Barbaria, Pannoniam versus, ignotis antea populis, vel *Marcomannos*, *Quadosque*, ac reliquos (antea in propria faeuientes viscera) populos adiuturis, vel cum Romanis, spe lucri, facturis, vel inter clades istorum meliores sedes occupaturis: Primigenius globus eorum, quibus peculiare consilium fedusque postea *Francorum* nomen peperit, ex latibulis videtur suis profiluisse, Albim Visurgimque pro re nata traiecisse, interiectis in regionibus, vel factis vel inuentis sedibus vacuis, adcurrentibus diuersarum nationum turmis, pilae niuis instar creuisse, ac sensim sensimque vicinitate, robore ac facinoribus

ribus innotuisse, cunctis inter Albim, Visurgim & Rhenum haerentibus populis, cum quibus, lacescentibus subinde mutuis inuasionibus Germanis Romanos, Romanisque Germanos, vel saltem Germanis quibusdam amicitiam cum Romanis dubiam periculosamque existumantibus, in fedus tandem coaluerint bellicum, vim & seruitutem Romanorum penitus excusuri, cis-Rhenanasque, (Romanis) terras occupaturi.

LVI.

An de cetero aliquas? quot? & quas? ex primis sedibus progressi, fecerint stationes, non definimus.

LVII.

Vti & dictu difficile arbitramur, vtrum Albim primum transmiserint
G
tan-

tantum, ac eum inter ac Visurgim aliquamdiu rursus substiterint?

LVIII.

Ac dein, Visurgi etiam superato, ab eo ad Rhenum vsque hospitati sint? donec trans-Rhenanas inuaserint terras?

LIX.

An, Albi semel post se relicto, inde ad Salam Franconicum vsque pertinuerint?

LX.

Vel primum statim occiduas magis sedes incoluerint in Ducatu Bremenſi?

LXI.

Certe, ex quo coeperunt esse sui nominis, hisce fere omnibus in locis Fran-

Francicae vestigia virtutis legere licet :

LXII.

Prout vero, nunc in hac regione luculentiora efflorescentis fortunae gliscentisque potentiae monumenta statuerunt, siue lacesfiti lacescentesue, seu superiores saepius vel inferiores ex commissis subinde proeliis discesferunt, nunc vero in alia: ita iam in hac, iam alia terrarum, quas semel inuaserant, parte magis fuisse dici possunt, vel notantur.

LXIII.

Amplitudo autem finium Francicorum quam maxime colligi potest ex populorum, qui Francico federati accesserunt, ac nomine inclaruerunt, indice.

LXIV.

Singulorum dare heic rationes animus non est: nec enim institutum id fert nostrum; dabimus tamen nomina.

LXV.

Referimus eo Chaucos inprimis, Chamauos, Angriuarios, Cattos, Frisios; Brueteros, Sicambros vel Sygambros, Vsiptos, Tencteros, Anfibarios, vel Amfiuarios & Salios:

LXVI.

Nulli quidem dubitantes, quin & alii ad fedus istud pertinuerint, qui vel obscuriores, vel mature extincti fuerunt, vel in aliud nomen transierunt, vel, inualescentibus praecipue Saxonibus, in aliud fedus concesserunt.

LXVII.

LXVII.

Circumscribatur autem vetus Francia, Albi & Visurgi ab Oriente, Rheno & Galliis ac Occidente, ab Septentrione Oceano Germanico, Suevia & Allemannia a Meridie.

LXVIII.

Speciatim tamen de *Saliis* ante, quam reliqua persequamur, pauca heic adicere lubet.

LXIX.

Vero non est simile, nomen istos suum ab *faliendo*, saltibus ac pedum velocitate, Romanis auctoribus, traxisse, qui illud, captis A. C. 358. a *Iuliano Toxandrianis* Francis primum ad-
 sperferint, postquam obseruassent, esse in Francis istis non tantum ex-

G 3 pedi.

peditam tractandi arma dexteritatem,
sed eiusmodi etiam pedum velocita-
tem, ob quam Sacerdotes Romano-
rum certi vulgo Saliorum nomine in-
signirentur.

LXX.

Neque ex AMMIANI MARCELLINI verbis,
quae operose eam in rem nuperrimè
interpretatus est doctissimus vir, euin-
ci id potest.

LXXI.

Quid? quod ex iisdem potius im-
pugnari valeat sententia, ab aliis quo-
que olim iam in scenam producta.

LXXII.

Propius abesse a vero videntur, qui
Salios ab Sala, amne, quem adcolue-
rint, appellatos contendunt.

LXXIII.

LXXIII.

Transiit tandem ad omnes *Francos*,
Gallis inprimis permixtos, *Saliorum*
nomen :

LXXIV.

Vt Salicum esse, idem fuerit ac
Francum esse: Salica lex, lex Fran-
cica ;

LXXV.

Proprie tamen ad *Ortiuos* tantum,
non *Occiduos*, vt loquitur IOANNES IA-
COBUS CHIFFLETIUS.

LXXVI.

Maxime primum innotuerunt cir-
ca Salam Franconicum.

LXXVII.

Postea Chaucis, Frisiis, Tubanti-
bus forte & aliis aucti, ad Isalam &
extre-

extremas Westphaliae oras confedisce;

LXXVIII.

Pulsi ab Saxonibus inde, Batauiam, Romanis haecenus parentem, occupasse, ac, *Constantio & Iuliano* Imperatoribus, tenuisse videntur.

LXXIX.

Chamaus postmodum, Saxonum instinctu, Salios de nouo armis petentibus, insigni beneuolentia *Iuliani* adducti horum multi sunt, ut in Romanorum prouincias concederent, ac sub Romanis militarent signis.

LXXX.

Ab Saliis *Salicae terrae* titulus est.

LXXXI.

Alia uero est *Salica terra* in Geographia, alia in iure.

LXXXII.

LXXXII.

Peculiaris de illa in Legibus Salicis
Tit. LXII. L. 6. constitutio est: de
terra Salica nulla in mulierem portio
hereditatis transit, sed hoc virilis sexus
adquirat.

LXXXIII.

Ubi terra Salica minime idem est, ac
Alode;

LXXXIV.

Nec terra, hostibus deuictis, Regi
militibusque forte addicta;

LXXXV.

Sed agri liberi ad Curtem Salicam
Salici hominis spectantes:

LXXXVI.

Nimirum hominem in curte prae-
cipuum, seu liberum, Salicum, eius
H domum,

domum, herilem Salam, agros ad hanc pertinentes, & bene meritis à Francorum regibus concessos sine seruitiis, Salicas terras adpellatas, arbitramur.

LXXXVII.

Medii illi fuerunt inter *Feuda* & *Allodia*: Seruitia militaria & fidem non imposuerunt, vt *Feuda*; nec tamen adeo liberae dispositioni patuerunt, vt *Allodia*:

LXXXVIII.

Sed beneficii loco habitum, si filiis relictis, nec regio ceserunt fisco; ad cuius probationem peculiari opus confirmatione fuit.

LXXXIX.

Quia de cetero inprimis reliquos inter Francos eminuerunt *Salii* ac, subiecta Francis Gallia, Franci, quibus commu-

communicatum Saliorum nomen, & ex istis, praecipue origine Salii, ad officia aulica admissi sunt: *Salica persona*, aulicum, illustrem, regiae item cognitionis hominem significavit.

XC.

Inter Francos *Salios* nata est decantatissima *Lex* illa *Salica*, á certis Francis Saliis, iisque praecipuae praecipuis in pagis auctoritatis, magnique rerum vius, viris, consentiente populo, in certas regulas, consuetudinibus & genio Saliorum, Francorumue, conuenientes, vtcumque redacta, inter Salios recepta, ab regibus dein quoque Francis, sacra Christianorum amplexis, varie aucta & emendata.

xcl.

Anilibus nugis ludunt, qui nomen legis ex voculis, quae pleraque incoant capitula, *si aliquis, si aliqua*, deriuant.

xcII.

Inepte vero ambitiosi sunt, qui corruptam scriptionem causantur, *Gallicam*, non *Salicam*, legendum adfirmantes.

xcIII:

Nec falis multum habet deriuatio ab *Sale*, symbolo prudentiae.

xcIV.

Nec ab *Sala*, seu Palatio, dictam putamus.

xcV.

Propius ad rem eorum accedit sententia, qui *Salogastum*, priinas tenentem inter eos, qui praecipuarum prouinciarum nomine condendae legi *Salicae* operam nauarunt, legi ipsi reliquisse nomen, opinantur :

xcVI.

Sed, quum *Salogasti* nomen, non personam, sed prouinciae *Salaghenae* designet

gnet rectorem, rectius a gente, cui lata, ab quibus rogata, ab quibus observata lex est, eius duci censemus nomen: ut *Salis* ab *Salis* data, *Salica* dicta sit: quod nec, qui emendarunt, vel auxerunt eam, mutarunt nomen.

xcVII.

Non quidem contenderim, ut cusa & exclusa lex fuit, statim id nominis ab quoquam ipsi impositum;

xcVIII.

Existumaverim potius, diu frequentatam usu eam fuisse ante, quam certo titulo in vulgus nominatam.

xcIX.

Coniectamur, vixisse istius ex formula *Salios* primum; hoc interea, variis licet insultibus vexatos, viribus, viris,

H 3

existu-

existumatione creuisse ; qui eandem in gentem cum ipsis coaluerint , earundem legum praescriptum sequi cum iis debuisset ; ac , postquam plerique omnes Franci in Salicum transierint nomen , Saliorum quoque legem in vnicam omnium federis reliquiarum viuendi regulam esse translata , atque tum , ad seruandam originis memoriam , a Saliis Salicam adpellitatum ; dissipata inter haec societate ac evanescente nomine reliquorum , quos condendae legis cura olim iuxta Salios coxerat , pagorum .

C.

A *Chlodouco* , ad Salios genus referente , eodemque legis restauratore , Salicam primum dictam , adserere non auserim .

Quod

cl.

Quod ante *Childericum* habuit nomen?

cII.

Ast de ipsius quoque legis epocha incerti fluctuant, qui, quo tempore illa lata sit? inquirunt.

cIII.

Omniū minime audiendi, qui Francos, ex Salicis Legibus vivere adfuescentes, trans Rhenum (in Germania scribimus) in Belgica, in Tungrorum & Attuaticorum, circa Mosam, Scaldim & vicinos amnes, regione degisse, statuunt.

cIV.

Nec ad reddendam nominis rationem opus est, ad Isalam, seu Isellam
con-

confugere, atque ibi Legis Salicae cunas quaerere.

cV.

Speciosior HADRIANI VALESII est sententia, qui, non sine rationum adparatu, adstruere laborat, *Chlodoneum*, regni rebus antea probe firmatis, condidisse demum Legem Salicam: nec existumat, quum Burgundiones, Vesi-
gothi, Ostrogothi & Longobardi non prius leges scriptas habuerint, quam hi in Gallia, illi in Italia consedis-
sent: legem Salicam in Germania Francis fuisse descriptam: quae utique, *Pharamundo* regnante, Germanicis conscribi litteris & ab subsequen-
tibus, post occupatam Galliam, lingua latina ver-
ti debuisset; cuius conuersionis men-
tionem tamen faciat nemo.

cVI.

cVL

Sed breuiter VALESIO. eiusque argumentis, quae repetere singula heic non licet, obuertimus : ista Rectorum Francicorum nomina, Wisogast, Bodogast, Salogast & Windogast, non personarum, sed prouinciarum esse, terminationemque illorum, vel Francici characterem idiomatis, vel ex gagau, & ist conflatam, sui que adeo rationem habere luculentam, & repeti omnino debuisse, ubi Dux, Comes, seu Rector prouinciae fuit nominandus.

cVII.

Scriptorum consensus, & ipsius Prologi Pacti Salici concepta verba, *Chlodouem*, Legum istarum auctorem, non admittunt.

I

cVIII.

cVIII.

Nulli dubitamus, latina, barbara quidem ea & strigosa, lingua in solo Germanico exaratas primum ab Salicis, multum iam cum Romanis versatis, forte ab sacri ordinis hominibus etiam adductis, LL. Salicas, atque patria lingua, quae litteras nesciuit tum, in Mallobergis a Comitibus seu Centenariis, explanatas fuisse.

cIX.

Colligas licet ex his quodammodo, quid de nupera, eaque inaudita, SUMMI VIRI sententia censeamus, qui pariter *Chlodoneum* Salicarum LL. auctorem facit, qui, non Francis, sed Allemannis; famosissimo isto proelio ad Germaniae fines in Wormatiensi agro

agro prope Alpiacum deuictis, istas
descripserit Victor.

cX.

Verum, si ante *Chlodouem* dictatae
iam istae sunt LL. vigeruntque inter
Francos; quae erudite ac eleganter
concinnavit VIR LITTERATISSIMUS, vltro
concidunt.

cXI.

Deinde, quis vmquam vllibi loco-
rum legit Allemannum ad LL. Fran-
cicarum decempedam dimensum suas
esse actiones? proprias Allemanni, si
non vetustiores, tamen aequae vetu-
stas Francis, Leges habuerunt: has,
quod Franci alibi etiam fecerunt, re-
liquisse Allemannis, sed emendas-
se, auxisse, mutasse *Chlodouem*, vbi opus
fuit, facilius crediderim.

12

CXII.

cXII.

Sed dabo, dedisse *Chlodoneum* Alle-
mannis Salicas; nondum eo euicisti:
ergo tum demum eas conditas.

cXIII.

Praetermittimus, iuxta cum aliis
quibusdam, iam deuictis Allemannis,
iam vero Francis, in deuictorum ter-
ras delatis, praefectos datos; item,
iam legem a praefectis examinatam &
in vsum traductam, iam recens condi-
tam, dici.

cXIV.

Ex indole ipsarum Legum, item
ex Prologo earumdem, ex claris Scri-
ptorum de istis testimoniis plurima,
quae doctissimo viro aduersantur, pe-
tere argumenta, integrum, immo fa-
cillimum est.

cXV.

cXV.

Leges luculentos vltimae antiquitatis Germanicae characteres vbique prae se ferunt, atque ea tantum vel praecipiant vel prohibent, quae in homines & tempora ante *Chlodoneum* potius, quam sub *Chlodoneo* cadunt.

cXVI.

In Prologo Legum aperte distinguitur conditio gentis, qua fuerit, quum lex ipsi primum rogaretur, ac quam induerit, quum *Chlodoneus* eiusque filii ipsi praefuerint.

cXVII.

Auctores diuersi, latores Legum, Procerum, Rectorum paganorum nominibus venientes, & emendatores, praecelsi Reges, qui Catholicum baptismum acceperunt, nominantur.

cXVIII.

Diuerſi actus, & Procerum, & Regum, diſcernuntur: Illi ad legem ſan-
ciendam ſemel, iterum, tertium con-
fluxiſſe, omnia ſollicita & nihil praeci-
pitata deliberatione penſitaſſe, ac tan-
dem in certam ſententiam conſpiraſ-
ſe, legem dictaſſe, ac, quod tantun-
dem eſt, litteris expreſſiſſe; hi vero
paſſum legis, iam tum, dudumque
conſlatum, de nouo ſub incudem re-
uocaſſe, lucidiuſ emendaſſe, & pro-
curasſe narrantur decretum hoc, ſeu in
hac noua, iam demum a *Chlodoueo, Childe-
berto & HLothario*, per varias acceſſiones
& emendationes, inducta forma.

cXIX.

Atque ita etiam diuerſam ipſius le-
gis conditionem ſubgerit: alteram,
qua non pauca minus idonea habuerit;
alte-

alteram, qua lucidius emendata fuerint illa minus idonea, vt iam decretum hoc, seu a priori multum diuersum, euaserit.

cXX.

Denique, diuersum quoque tempus designatur, quo descripta a paganis Francis Lex Salica, et quo emendata a Christianis Regibus fuerit: Scilicet Prologus dictatam, seu conscriptam, esse adserit a Francis Barbaris, qui TUNC apud eos fuerint Rectores; AT VBI, Deo fauente, *Chlodoueus* Rex Francorum primus, receperit baptismum Catholicum, lucidius emendatam.

cXXI.

Quisquis aequa lance isthaec singula, pro eo ac par est, expenderit, facere

facere profecto non poterit, quin euincere fateatur, Chlodoueuum primum Salicae legis vniuersae auctorem nequaquam esse celebrandum.

cXXII.

Quorsum et scriptorum, quorum suffragia hac in causa omnino valent, faciunt testimonia.

cXXIII.

Qui *gesta Francorum* consignauit *Auctor*, clarissime refert, defuncto *Sunnone*, nouoque Rege electo, ex consilio *Marchomeris*, renouatas, ac de nouo approbatas esse leges, quas olim iam in Germaniae villabustractauerint Francorum consiliarii priores pagani.

cXIV.

ADO VIENNENSIS eamdem in sententiam testatur, Francos, nouo rege accepto,

accepto, sese subdidisse legibus, quas inuenerint antea iam alii.

CXXV.

Quibus MOISSIACENSE CHRONICON, iuxta cum aliis huc conspirantibus, adiicere liceret; si quidem prolixo testium firmate opus esset.

CXXVI.

Qui vero statuimus Salicas Leges omnino ante *Pharamundum*, quem vulgo ementiuntur, primumque Francorum Regem dicunt, Germanico in solo inter trans-Rhenanos Francos, (vti Romanis vocantur) dictatas, conscriptasque fuisse; fateri tamen cogimur, minime suppetere, vnde certum eiusce rei tempus probari queat:

CXXVII.

Nondum enim cautum satis censemus de sinceritate inscriptionis Legum Salicarum GOLDASTINA.

K

CXXVIII.

cXXVIII.

Neque nobis integrum ducimus,
vel HERMANNI CONRINGII., vel GO-
DOLFREDI GUILIELMI LEIBNITII sen-
tentiis, de loco rogatarum istarum
Legum, subscribere.

cXXIX.

De stilo, titulis, accessionibus, au-
thoritate, variis LL. Salicarum exem-
plis, nec non earundem ab *Ripuariis*
differentia, multis esse heic nobis
nec licet, nec libet.

cXXX.

Vt vero ad Francos vniuersos re-
uertamur, ex quo Rhenum isti traie-
cerunt, vt constantes in Gallia sedes
figerent, Francia Originaria, Primi-
tiua, Antiqua & Barbarica ab acces-
sioni-

fionibus, mira victoriarum felicitate partis, nominibus distincta fuit.

cXXXI.

Vnde Franciae Trans-Rhenanae & Cis-Rhenanae, (neutiquam tamen, posterioribus praesertim temporibus, omnem cis Rhenum Galliam complexae) Franciae Germanicae, seu Antiquae, seu Originariae, seu Barbaricae, & Franciae Latinae, seu Romanae, seu Italicae, seu Gallicae, seu Nouae, Franciae Orientalis & Occidentalis, Sicambricae & Tongricae; item Austrasiae & Neustrasiae regnorum, aliaque id genus nomina, non sine laboriosa opera & magna cautione internoscenda, & explicanda.

cXXXII.

Dum vero iam & de Regimine, Regibus & Maioribus Domus Franco-

K 2

rum

rum adtexere quaedam adgredimur:
repetendum heic memoria, quod fu-
perius adseruimus, societatem, in
quam primi populi Francici coieue-
runt, vltra mutuae defensionis, belli-
que ac adferendae libertatis consili-
um, non processisse;

cXXXIII.

Postea vero in qualemcumque con-
iunctionem ciuilem demum eualuisse:
donec iustum regnum, atque Monar-
chia, nasci ex ea formarique potuerit.

cXXXIV.

Vbi tamen addendum; populos,
quotquot primum bellico sociati fe-
dere fuerunt, numquam forte ad
vnum omnes, saltem non simul, in
vnam colauisse rem publicam.

cXXXV.

cXXXV.

Ex populorum autem genio, re ipsa
& Scriptoribus, quos prae manibus
habemus, superstitionibus, ita hac de re
censemus :

cXXXVI.

Homines, eximio libertatis studio
actos, non, nisi necessitate coactos,
qualiscumque etiam imperii ac obse-
quii voces & audire & pati didicisse;

cXXXVII.

Quosdam citius, quosdam ferius,
variis forte inuitantibus causis, vel vr-
gentibus necessitatibus, eo adductos;

cXXXVIII.

Ex diuersis Francici federis populis
non vnum tantum semper, sed ali-
quot interdum, ciuili vinculo colliga-
K 3 tos

tos, vt eandem normam in singulorum salutem & commodum sequerentur;

CXXXIX.

Prout indoles, studia, necessitas, casus, exempla inuitauerant, alios communi singulorum consensu, certis semel positis regulis, potestatem inter se partitos sibi seruasse, alios directionem singulorum ad communem finem in certos, eosque maxime idoneos & praestantiores viros contulisse; alios vnus nutui se subiecisse; ita tamen, vt neque hi, neque isti, suae libertatis qualemcumque iacturam magnopere perentiscerent;

CXL.

Hoc pacto vfu venisse, vt alibi inter Francos plane nulli magistratuum tituli percrebuerint, alibi Procerum
&

& Rectorum, alibi etiam Ducum, Principum & Regum nomina recepta fuerint, & qualiacumque omina: atque hoc ita, ut eodem tempore in diuersis Francorum pagis, diuersi etiam Rectores, Proceresque, ac Reges fuerint, vel singula federa suos vel Reges, vel Duces, vel Comites, vel Rectores habuerint; hancque veram esse causam, quare eodem tempore, & Regum plurium, & iuxta regia, Ducum quoque ac Procerum nomina, Francica commemoret saepius Historia:

cXLI:

Temporum succesu arctius tamen coaluisse populos, & pauciorum voluntati paruissse, dum vel adtriti florentioribus, honoris seu securitatis causa, adfluerent, vel victi victoribus adhaererent, atque in eandem cum
iis

iis formam regiminis concederent, vel alii aliis communium LL. vinculis copularentur: vti pagos Salagheue, Boddogheue, Windogheue, per communem legem Salicam, populorum, antea suas sibi seorsum habentium res, suosq; singulorum Reges seu Proceres, consensu conflata, arctius firmiterque coniunctos fuisse, nulli dubitamus:

cXLII.

Atque, quum his ipsis Saliis, legum beneficio, interni morbi & enormia crinina minus obesent, alique subinde accessissent: eos Francorum titulum eximie tuitos atque tanta cepisse incrementa, vt, loco plurium Procerum & Regum, quales ipso in Prologo atque in LL. Salicis nominantur, vnum eminentioris dignationis, potestatisque, ac vere Regem, Regalibus ceteris aequae ac populo imperaturum, eligere,

eligere, atque praeficere sibi, consultum duxerint.

cXLIII.

Sed quis primus eiusce generis Francorum Rex? id vero cum ignarissimis plerique videntur nescire Historici.

cXLIV.

Ex Chronico PROSPERI atque AUCTORE DE GESTIS FRANCORUM finxerunt nonnulli, nominaruntque, nescio quem *Pharamundum*.

cXLV.

Ignorant vero eum FREDEGARIUS, SULPITIUS ALEXANDER, RENATUS PROFUTURUS FRIGERIDUS, OROSIUS, &, qui hosce aliàs adiit, GREGORIUS TURONENSIS, grauius de istorum silentio conquestus.

cXLVI.

Ante, iuxta & post *Pharamundum*, Francici floruerunt Reges:

L

cXLVII.

CXLVII.

Is ergo saltem, quem quaerimus,
Francorum Rex, primus Monarchiae
Francicae, tantum abest Gallicae,
Fundator non exstitit;

CXLVIII.

Ex ipsius DE FRANCORUM GESTIS
SCRIPTORIS testimonio succesor *Sunn-*
onis, qui utique Monarcha minime
fuit, & Rex, quales ceterae gentes ha-
buere plurimos, fuit.

CXLIX.

Accedit, vix patere, qui, *Sunnone*,
mucrone suorum cadente, *Marcomeres*,
Etruscum tum perferens exsilium,
auctor, deligendi in succesorem filii,
sciscitentibus esse potuerit?

CL.

Vnum unius PROSPERIANI CHRO-
NICI, multis nominibus suspecti testi-
monium

monium, sibi parum constans, stabili-
endae sententiae, perquam oppido du-
biae, neutiquam sufficit.

CLi.

Neque eminentissimum dicati quon-
dam *Pharamundo* sepulcri monumen-
tum, extra fabulas ipsum ponit.

CLII.

Acu forte tetigerit rem, qui *Phara-*
mundum ex cerebro eorum, qui Troia-
nam Francorum originem exclude-
runt, enatum adsertauerit.

CLIII.

Vti LEIBNITIUS, scribarum oscitan-
tia, ex *Pharamundo* factum *Priamum* opi-
natus est: ita nos, vice versa, ex *Priamo*
Pharamundum putamus expressum.

L 2

CLIV.

CLIV.

Fauet coniecturæ, quod monumenta, *Pharamundum* referencia, auctori-
bus sint condita, quæis Troiano cre-
tos sanguine, Troianoque a *Priamo*
profatos esse Francos, fuit persuasissi-
mum; qui ad *Priamum* genus *Pharamundi*
expresse referunt; qui *Priamum* in Fran-
cia regnasæ, totidem verbis narrant:
vt fere indubium fit, *Priami* exprimere
nomen voluisse, qui *Pharamundi* adscri-
pserunt.

CLV.

Certe PROSPER ille Pithoeanus,
postquam ad IVrum *Gratiani* annum
scripsisset: *Priamus* quidam regnat in
Francia, quantum altius colligere po-
tuimus: Huiusce *Priami* sui, cui semel
fecit nomen, regnumque dedit, me-
mor

mor esse rursus debuit : unde, *Honorio* imperante, denuo eius nominis nepotem in Francia regnasce, sine dubio scripsit; ex quo posterius vero *Pharamundum* exculperunt.

CLVI.

Quid plura? antiquissima FRANCO-
RUM GENEALOGIA apud DU CHES-
NIUM conceptis hisce verbis adfirmat;
ex Genealogia *Priami* fuisse *Meroveum*;
Priami autem nomine signatur is, qui
Pharamundus vulgo vocitatur,

CLVII.

Quodsi igitur pro *Pharamundo* legen-
dus *Priamus*, qui ad priorem *Priamum*,
tamquam avum, referendus; hic vero
ementitius est : ille non minus iudica-
bitur suppositicius.

CLVIII.

Sed, qui *Pharamundo* isti dicam scribimus, *Clodionem* potius primum maxumae Francorum partis cum singulari eminentia regem fuisse, arbitramur: quippe cui Scriptores elogia admetiuntur ac facinora adscribunt, quae talem luculenter probant; immo ipsa Francorum consilia & expeditio, quam tum susceperunt, talem postularunt.

CLIX.

Nec is, postquam *Rhenum* traiecit & in *Galliae* interioribus substitit, queis in *Primigenia* *Francia* terga vertit, pro derelictis habuisse, censendus est.

CLX.

Retinuerunt ea *Duces*, *Praefectos*, *Comites*, *Regales*, *Subregulos*, subiectos

et os partim *Clodioni*, comiter partim
eum colentes.

cLXI.

Cum ampliore fortuna sequuti
eum sunt *Childericus*, & imprimis *Chloda-*
nus :

cLXII.

Posteriore, quidquid Francicorum
titulorum & finium amplitudini de-
esse videri poterat, stupenda felicitate,
adiiciente.

cLXIII.

Praesentant igitur nobis tempora
ante-Clodionica, Reges, Regales, Regu-
los qualescumque; *Clodionica*, Reges plu-
rium populorum, potentiores, specta-
tioresque; *Chlodoniana* vero, Monar-
chas.

cLXIV.

CLXIV.

Istis vero de Monarchis primae,
qui vocantur, stirpis, eorumque *Ma-*
ioribus Domus, Francicis, Austrasiis,
Burgundicis, Aquitanicis, reuera tan-
dem vltimis regibus plerisque maio-
ribus, plura heic adlicere nihil adti-
net.

CLXV.

Ceterum, inter Francos ante *Mero-*
neum iudicio Procerum Regum successio
pondus habuit, valuitque adensus po-
puli.

CLXVI:

Postea filiis paterna obuenerunt re-
gna *successione*, primi adquirentis iure
nixa; Procerum tamen honori mul-
tum

tum dantibus, & decedentibus, & novis Regibus.

CLXVII.

Nec opus videtur quamdam veluti commixtionem, (quam politicae res non aequè commode, ac physicae, admittunt) electionis & successionis comminisci.

CLXVIII.

Ex antiquitate, ex historia, populi genio & temporum circumstantiis rectè explicari possunt, quae nobis obstare videntur, omnia.

CLXIX.

Neque Imperii nostri formae, vel iuribus Ordinum in Imperio Romano-Germanico detrahent quidquam, nobiscum facientes.

M

CLXX.

cLXX.

Electores saltim, propter Capitulationes imprimis, *Caroli V & Matthiae* speciatim, non habent, quod sibi timeant.

cLXXI.

Licet, dum Domanio Imperium Romano - Germanicum caret lautiore, potentioribus numquam non via ad rerum fastigium pateat.

cLXXII.

Sed nec illud ex nostra recte inferatur sententia: *Ludonici Infantis* successores iniusto titulo fasces capessuisse; quidquid etiam nupero in Illustris *Cocceii* Prudentiam Publici iuris commentatori videatur.

cLXXIII.

De *forma regiminis* apud Francos pronuntiaturis, vti superius iam innuimus

mus, & populi, & tempora inprimis,
distinguenda sunt:

CLXXIV.

Liberior illa apud quosdam, apud
alios adstrictior fuit, donec Monar-
chia eualesceret.

CLXXV.

Qui post *Chlodowicum* regium nomen
non, nisi Aristocratiae, aut popularis
potestatis temperamentum fuisse, di-
stintant, gesta Regum Francicorum
non satis expendunt.

CLXXVI.

Id quod propugnabimus, non nescii
de cetero, publica regni negotia in pu-
blicis Francicorum Procerum comi-
tiis fuisse incudi subiecta;

M 2

CLXXVII.

cLXXVII

Immo, exauſtoratos aliquot Reges Francicos a Proceribus regni fuiſſe.

cLXXVIII.

Licet vero haec ita adfirmemus, & noſtratum Imperatorum Romanorum iura pleraque omnia, ſi a iure Sacrorum diſceſſeris (quod & ipſum, procul dubio Auguſtiſſimo reſtitutum Capiti noſtro fuiſſet, ſi vniuerſum Imperium Romano - Germanicum iſtorum repurgationem admiſiſſet) in Francicis videamus regibus;

cLXXIX.

Regnumque Franco - Carolinum, ceteris paribus, hodieque continuari arbitremur;

cLXXX.

cLXXX.

Neque haec tamen observatio vel tantillum supremæ isti, qua Principes Imperii nostri eminent, obest potestati: magna enim interea rerum mutatio, ipsis Imperii publicis, tot hominum sanguine partis, sanctionibus confirmata, intercescit.

cLXXXI.

Partium studium palpum obduxerit crassissimum, oportet, iis, qui adserere non verentur, ex Francica Historia suppetere rationes, quibus Gallo-Francicis Regibus ius quaesitum in Germaniam adstrui possit;

cLXXXII.

Quodsi ludere nobis adlubesceret, potiora, pro iuribus Germaniae in Franco-Galliam, argumenta prostrare, contenderemus.

M 3

cLXXXIII.

CLXXXIII.

Coronatos atque inunctos Francorum Reges ante *Pipinum* esse, probari non potest.

CLXXXIV.

Suffecerunt enim Francis alii, Germanis olim quoque frequentati, iique simpliciores, in inaugurationibus ritus.

CLXXXV.

Nec, qui ex testamento REMIGIANO heic occlamant;

CLXXXVI.

Nec, qui de Remensi ampulla nescio quae sesquipedalia ampullantur;

CLXXXVII.

Nec, qui coronae *Chlodoveanae*, *Formisdæ*, pontificis, tempore, ad Petri sepulcrum *misæ*, splendorem obii-
ciunt.

CLXXXVIII.

CLXXXVIII.

Nec, qui IUONIS CARNOTENSIS et
GUILIELMI BRITTONIS auctoritates ob-
uertunt ;

CLXXXIX.

Nec, qui numis, *Chlodouei* caput co-
rona conspicuum exhibentibus, nobis
insidiantur, vt positam semel senten-
tiam deseramus, efficiunt.

CXC.

Christianissimi elogium, olim aliis quo-
que commune, inde ab sacro oleo,
ad *Chlodouei*, seu *Ludonici I.* baptismum
coelitus misso, Galliae regibus pro-
prium esse, indubiis testibus vix pro-
babis.

CXCI.

Vti alii quoque, *primogenitos Ecclesiae*
filios recte ipsos celebrari, negant.

CXCII.

cXCII.

Praefuerunt regno Francico Reges, ac prouinciis et limitibus eius, praeter Misos Regios, Duces, Comites, et sub his Iuniores, seu alii minores magistratus, Comitum Vicarii, Centenarii, Misi, Scabini, Sculdahisii,

cXCIII.

Debent *Chlodoneo* non utique parum Christianorum & Religiosarum Sodalitatum speciatim res.

cXCIV.

Moribus de cetero *Merouingorum* saltem, *illegitimo* natorum *toto* valuisse successione, docet, Francos ex Romani iuris formulis non vixisse.

cXCV.

Sed non fert institutum nostrum, ut elaboratam ab aliis iam magna diligentia

gentia telam, id genus miscellarum de Francis obseruationum, longius heic producamus.

cXCVI.

Nobis sufficit ex historia populi, ab quo oriundus fuit *Carolus M.*, quae diximus, repetiisse; de Maioribus ipsius, quanta fieri breuitate potest, atque ex historia rerum ab eo, nec non reliquis Franco-Carolingis gestarum, ad *Henrici Aucupis obitum* vsque, succinctis positionibus, summa capita iam tradituris.

cXCVII.

Maioribus quidem *Caroli M.* ceteroquin clarissimis, ipsa antiquitas peperit obscuritatem.

cXCVIII.

Ex iis *Ansbertum*, Romanum Senatorem, adpellare, animus iam non est.

N

cXCIX.

cXCIX.

Certior est *Arnulphus*, Dux, postea
& Episcopus Metensis, *Theodoberto II.*
Chlotario II. & *Dagoberto*, Francorum Re-
gibus, percarus, idemque Maior Do-
mus, cuius posteris dignitate ista ad Pi-
pinum Pium vsque fulserunt.

CC.

Ex posteris eius, *Ansegisus*, *Pipinus*,
(*Vetulus*, *Haristallius*, *Iopilla*) *Carolus*
Martellus inprimis, Maiores Domus flo-
ruerunt.

ccl.

Ex *Caroli Martelli* filiis Maiorem Do-
mus egit *Carolomannus*; qui vltronea ab-
dicatione fratri, nascendi ordine se-
cundo, *Pipino*, Maioratum cesfit.

ccll.

Pipinus iste, Nani & Pii cognomini-
bus auctus, fortunarum, auctoritatis
&

& potentiae amplitudine praedecessores omnes superavit :

cclll.

Tandem, conciliatis sibi & pontificibus & populo, *Childericum*, insensatum Francorum Regem, in quo regale genus totum defecit, S. Audomarii, & filium eius Fontanellensi, monasteriis inclusit, Regis titulum A. 752. adsumens, a *Zacharia* pontifice, A. 751. iam, eo nomine renunciatus.

cclv.

Occupatum semel regnum, vnctus A. 754. ab *Stephano*, iuxta cum filiis, *Carolo* & *Carolomanno*, in Francia, studiose firmavit, diligenterque administratum familiae suae penitus adseruit.

ccv.

Plurimum *Pipino* profuit pontificum fauor, quem sibi conciliauit, & praestitis aduersus Longobardos auxiliis

N 2 perop-

peropportunis, frustra que hactenus
apud Franciae Reges quaesitis,

ccVI.

Et oblatis, victo semel atque iterum
Aistulpho, in Altari D. Petri clauibus
restitutarum Exarchalium, aliarum-
que urbium, ex quibus Petri deinceps
enatum patrimonium, salvis quidem
imperii iuribus.

ccVII.

Ceterum, Saxones bis feliciter ca-
stigavit, caesoque *Waisario*, post diutur-
num bellum, Aquitaniae res utcum-
que composuit.

ccVIII.

Orti etiam, Pipino ad clauum se-
dente, Abbatiae ac Episcopatus insi-
gnes; Herbipolitano autem Ducatus
Franconicus muneri ab ipso datus
haut est.

ccIX.

ccIX.

Suscepit ex *Bertha*, coniuge vnica,
Chariberti, *Laudunensis* Comitis filia,
Carolus, *Carolomannus*, *Pipinum*, filios.

ccX.

Ex quibus vltimus, vel biennis, vel
triennis, diem clausit.

ccXI.

Exempto igitur Patre *Pipino* etiam
rebus humanis A. 768. ad duos prio-
res, *Francis*, sollemniter in generali
conuentu eos Reges constituentibus,
succesio regni peruenit.

ccXII.

Nouiomagi in *Veromanduis* *Carolus*,
Carolomannus *Suessione* regni accepit in-
signia: Vtroque de nouo inuncto;

ccXIII.

Multis tamen ex diuisione regni
fraternorum quoque animorum, quae

N 3

sequuta

sequuta etiam fuit, diuisionem continuo praefagientibus.

- CCXIV.

Erupturae iam iam in aperta dissi-
dia, quibus componendis nec mater
par fuit, erant gliscentes inter *Carolum*
& *Carolomannum* similitates, quum *Carolo-*
mannus A. 771. Salmontiaci mortuus,
ad opes immensas, potentiam incom-
parabilem, & res maxumas, latam op-
portune aperuit portam *Carolo*, ad cu-
ius historiam, comprehense heic repe-
tendam, animum iam adiiciemus,
Magno.



SECTIO II.

De Imperatoribus *Franco-Carolingis.*

C. I.

De *Carolo Magno.*

I.

Summa ex *Caroli M.* historia tradi-
turis capita, non tam vt habeant,
quae.

quae dicant, quam ut, quae in promptu sunt, prudenti facto dilectu, succincte, luculenterque, ac iusto ordine proferant, elaborandum inprimis est.

II.

Natales nos magni Imperatoris signabimus, & quae eo pertinent, tum *regna* & *succedendi rationem*, dein *Bella* ipsius praecipua, postea *dignitates* eius *titulosque*, demum *LL.* aliaque, quae ex *Eiusdem* historia momentum trahunt, vestigabimus, repetemusque.

III.

Venit *Carolus*, seu & *Karolus*, noster in diem A. 742. IV. Non. April. parentibus iam tum nominatis, in Germania, vel ad Vnstrutum in Thuringia, in curte pagi *Vargala*, vel, quod magis aridet, *Ingelhemii*, inter Bingium & Moguntiam.

IV.

IV.

Nec admittere dubitamus, Ingelheimensis istius regii, amplioris pariter ac splendidioris, Palatii auctorem ipsum esse *Carolus*.

V.

Aquisgrani eum communis vſura lucis frui coepiſſe, nobis vero nondum videtur ſimile.

VI.

Licet vero & Stirpe & Patria Germanum ipsum faciamus;

VII.

Eo tamen fortunas Germanici Imperii veluti munimento, Gallis inexpugnabili, firmatas à nobis, nequaquam gloriabimur:

VIII

Apud eos enim, qui habendi aguntur libidine, non tam ſcholarum ſententiaé,

tiae, quam potentiae modus, pondus habere amant.

IX.

Duc, si placet, à pretiosis, quae recens inaugurati Galliae reges **A**quasgranum ad *Caroli M.* sepulcrum tegendum mittunt, mortalitatis symbolis, argumentum pro iure Gallorum in Imperium, perinde mihi videberis ludere, atque à patria *Caroli M.* eodem scopo argutantes.

X.

Nihilominus est, quamobrem ambitiosos audacium Gallorum calamos merito heic obtundamus.

xl.

Ceterum, de indole, pietate, iustitia atque actionibus *Caroli* temere non iudican-

O

dican-

dicandum, nec elogium eius sinema-
gno iudicio adornandum est.

xII.

Magni titulus, atque *sancti*, ipsum
nobis suspectum magis, quam vene-
rabilem, reddit.

xIII.

Per nos Romana etiam Ecclesia sibi
vindicare illum potest.

xIV.

Strenuum tamen eius atque litteris
fauentissimum animum suspicimus.

xV.

Memorandum quoque censemus,
eum insignem fuisse ebrietatis, insolentis atq; sumptuosioris habitus osorem.

xVI.

Durior autem iusto in ipsum omnem-
que ipsius familiam est, qui nuperrime
scripsit : Communiter de *Carolo M.* et-
iam

iām creditur, eum pium & iustum principem fuisse, & vulgo maximis encomiis onerari solet; at errant hi homines, & hospites sunt verae historiae. Crudelis fuit, facinorosus, superstitiosus, ambitiosus, sanguinem maxime sitiens, superbus, & ultra modum adulator. Pater eius, iusto regi regnum pessimo modo rapuerat, fastui Romae Episcoporum maxima calcaria addens. Filius, Carolus nimirum hic Magnus, longe peioris erat farinae. Vxorem, Desiderii, Longobardorum Regis filiam, iniuste thoro deturbabat, quo melius regnum eius ad se rapere posset. Saxones detestabili bello petiit, iisque, vti & aliis Ethnicis, religionem Christianam igne & ferro inculcavit: abominandis superstitionibus religionem defoedavit; superbiam Clericalem mirum in modum

auxit: imo nullum adulationis genus praetermisit, quod exercere non adlaborauerit. Genealogistae nostrae gloriae ducunt, Principum nostrorum ortum a stirpe huius *Caroli* deriuare, at abeant omnes eiusmodi deductiones, cum parum honoris adferat, illius sanguini originem debere, qui innumeris vitii conspurcatus, & cuius posteris ob nil aliud nominandi, quam, quod vitam aut segniter, aut futilibus bellis peregerint.

xvii.

Quae de Gigantea *Caroli* statura circumferuntur, fabulis accensemus; censentes etiam, inepte interpretari EGINHARDUM, qui scribendi expertem ipsum crepant.

xviii.

Nec Barbae Ipsius multum litabimus, antiquis licet cultae Barbis.

xliX.

xIX.

Succesfit autem Noster iure Patris
in regna ab eo relicta.

xx.

Nec quemquam, vel ipsi vel fratri,
diuifa occupantibus, controuerfiam
mouiffe, legimus;

xxI.

Ipsi tamen, nouam familiam de con-
fensu Procerum, populique, pruden-
ter follicitam fuiſſe, credimus.

xxII.

Vñctum tertia vice *Carolus*, in regnis
etiam *Carolomanni*, hoc defuncto, dubio
caret.

xxIII.

Imperium Francicum pene duplo
auctius, quam a patre acceperat, reli-
quit :

O 3

xxIV.

xxIV.

A patre hereditario iure obtinuit, atque armis deinceps adquisiuit, praeter Germaniae & Occidentalis Franciae partes, Allemanniam item, ac Boioariam, exuto *Tasfilone*, comitum regimini subiectam, nec non gentes, quae comiter Carolum coluerunt:

xxV.

Waldo superato, & *Lupo* se dedente, *Aquitaniam ac Vasconiam*;

xxVI.

Saracenis aliquoties deuictis, partem *Hispaniae*, insulas *Balears*, vt, qui vltro in amicitiam cum *Carolo* coaluerunt, taceamus;

xxVII

Euerfo Longobardorum, quod duo supra secula substitit, regno, vniuersam *Italiam Longobardicam*, Constantinopolitanis modicum Calabriae tractum retinentibus;

xxVIII.

xxviii.

Post acerrimum triginta, & quod ex-
currit, annorum cum ferrea gente bel-
lum, *terras amplissimas Saxonum*, Fran-
cis, & armis, &, vt *Sabini* olim Ro-
manis, pactis coniunctorum;

xxix.

Domitis semel, atque iterum,
Oceani in extrema Galliae parte ad
Occidentem adcolis, *Britanniam mi-
norem*;

xxx.

Ad incitas redactis Hunnis, vtram-
que *Pannoniam*, vltra *Anasum* produ-
ctis limitibus;

xxxi.

Post varias velitationes & pactio-
nes,

Arua *Liburnorum*, vel quae voci-
tantur ab *Histro*,

Nec non *Dalmatiam*, subdidit
& *Daciam*;

Ex-

Exceptis, iuxta federis tabulas, maritimis ciuitatibus, Constantinopolitanis relictis, *Venetaque* item vrbe, sibi reddita.

xxxii.

Et, vt vno fasce comprehendamus omnia, ipse *Carolus*, praeter *Romanos*, *Francos*, *Allemannos*, *Baiuuarios*, *Saxones*, *Turingios*, *Fresones*, *Gallos*, *Burgundiones*, *Britones*, *Langobardos*, *Wascones*, *Beneuentanos*, *Gothos* & *Hispanos*, alios quoque sibi subiectos fuisse populos, gloriatur,

xxxiii.

Ex quibus nullo etiam negotio intelligas, quibuscum in arenam descendit atque arma inprimis conseruerit *Carolus*.

xxxiv.

Scilicet continuauit, feliciterque confecit Bellum *Aquitanicum*, *Hunoldo* seu *Waldo*, qui, filii *Waifar*ii fato accensus, ad res nouas moliendas *Aquitanis* praeiuit, fugato, extinctoque.

xxxv.

xxxv.

Longobardos, florentissimum hactenus, ipsisq; à Francis cultum populum, sed a Pipino iam grauitè castigatum, penitus oppressit :

xxxvi.

Inuitatus nimirum ab *Hadriano*, pontifice, atque fraterni regni accessione interea acutus, ingratum *Desiderium*, Romanis oppido grauem, fugauit, cepit, abduxit;

xxxvii.

Atque ita in Italia Longobardicum deleuit, Francisque nouum comparauit, stabiliuitque regnum, A. DCC LXXIV. Modoetiae *ferrea*, quam uocant, redimitus *corona*:

xxxviii.

Postea & filio *Desiderii*, *Adalgiso*, ex Graecorum auxiliis aliquamdiu meliorem sortem sperante, & *Rotgando*.

P

Ara.

Aragisoque, perduellibus, feliciter vel extinctis, vel ad obsequia redactis.

xxxix.

Neutiquam vero aeque facile patratum est horrificum illud bellum *Saxonicum*; restinctum quidem aliquoties, sed continuo renatum, reuocatumque contentius, atque caedibus & deuastationibus immanissimis ultra triginta annos tractum.

xl.

Gestum scilicet a gentibus, quas sol vidit, ferocissimis asperrimisque, per mutuas laesiones antiquamque emulationem in odia implacabilia effeferatis.

xli.

Auctor eius fuit *Carolus*, recens Imperator, isque triginta vix natus annos, Wormatiae in publicis comitiis ita inflammans suorum animos, ut statueretur:

Scxo:

Saxonibus *requies ut nulla daretur,*
Donec Gentili ritu cultuque relicto,
Christicolae fierent, aut delerentur in acuum.

XLII.

Causas rei suscipiendae interposuit
 varias; eas vero vel fictas plane,
 vel suasorias, vti vocantur, tantum.

XLIII.

Inprimis propagandae verioris do-
 ctrinae, proferendorum purioris coe-
 tus limitum atque vindicandae Chri-
 stianae Religionis ardore flagrare, vi-
 deri voluit novus Rex.

XLIV.

Ast, gratum quidem Deo pignus,
 pietas: sancta nomina, Religio, digni-
 tas sacrorum.

XLV.

Valent in toga, valent in sago, mo-
 mentumque habent apud defensuros;
 inuadendi titulum nullatenus praebent.

XLVI.

Christus & ii, queis ab ipso san-
ctiorum veritatum disseminandarum
adferendarumque munus fuit deman-
datum, nesciunt id genus Hispanici
moris exempla, & praeludia.

XLVII.

Et certe pessimi exempli rem ad-
grediuntur, qui armis docere, atque
ad frugem errantes adducere molien-
tur, vel iis, qui id fecerunt, dicunt
scribuntue panegyricos.

XLVIII.

Demum, fas belli est, pugnare
aduersus hostes, qui iniuriam intule-
runt; religionis obtentu capesere
bellum, exuere fortunis gentes, ini-
iustum.

XLIX.

Habes ita, quod hocce de bello
Carolino iudices;

L. Quod.

L.

Quodsi ex succesu & euentu de iustitia belli iudicare, integrum aestu-
maremus ; rationem, cur tam cruen-
tum , tam diuturnum Caroli cum Sa-
xonibus fuerit bellum , nec subigi pe-
nitus armis illi potuerint , ex impro-
ba eius fuscipiendi causa repetere,
nulli dubitaremús.

LI.

Nimirum indomitus inter clades
populus, non superiore hostium vir-
tute, sed sua tandem lassitudine, ac sur-
gente in ultionem Numine, comique
priinum *Wittikindi* & *Albionis* , deinceps
& aliorum ad fedus Francicum inui-
tatione, adductus postremo est, vt in
ciuilem Francorum societatem &
communem Imperii Francici compa-
gem , absque vilo tributorum onere,
proprijs , ad Christianorum quidem

sacrorum tenorem emendatis, legibus
servatis, transiret per pacta.

LII.

Valent vero, quae diximus, in
quaestione, de inferendo Saxonibus
bello; minus, de illato:

LIII.

Vti enim ibi ius Francorum, ita
haec fidem Saxonum desideramus.

LIV.

Ceterum, eversa isto in bello Saxo-
num est *Irmensula*;

LV.

Quae non *Martis* quidem, aut *Mer-
curii* fuit statua;

LVI.

Sed truncus altitudinis eximiae in
honorem ac memoriam *Arminii*, Che-
ruscorum ducis, decantatissimi Ro-
manorum Victoris, sub dio primum
erectus;

LVII.

LVII.

Postea ab Saxonibus, verum eius scopum ignorantibus, ad quoddam suorum Numinum relatus, religione superstitiosa cultus :

LVIII.

Vel forte, imposito idoli ex suis simulacro, auctus, fanoque inclusus:

LIX.

Gallis cum *Carolo* eo diuertentibus, pro *Mercurii* aut *Martis* simulacro, quorum aliquid retulisse videtur, habitus.

LX.

De *Witikindo*, qui magna eiusce belli pars fuit, addendum heic, illum nequaquam primum regem Saxonum, immo nec ducem Saxoniae, a *Carolo* constitutum, fuisse.

LXI.

LXL.

Ne vero extra instituti oleas diuagemur, reliqua Imperatoris nostri bella arctiori verborum compendio signare, iam ordo iubet.

LXII.

Bellum *Hispanicum*, ad quod a factione Saracenorum, intestinis turbis inter se disfidantium, dum componendis rebus Saxonibus vacauit, inuitatus fuit, breui, finibus regnorum ad Iberum prolatis, feliciter confecit;

LXIII.

Nisi quod nouissimum reducis agmen in ipso Pyrenaei montis iugo Vasconicam perfidiam dicatur perfensisse.

LXIV.

Quae clades commento, de *Rolando*, Caroli nepote, *Berthae*, Caroli sororis,

ris, filio, Comite Cenomanensi, domino Blauui, giganteae formae, Saracenorum terrore, vulneribus tum confecto, praebuit occasionem;

LXV.

Istud vero turpissimum *Turpini* monstrum monstrosae *Rolandinarum*, quas vocitant, *statuarum* explicationi.

LXVI.

Ceterum, non minus felicia sequentibus etiam temporibus in Hispania fuerunt arma Ducum, filiique Imperatoris nostri: quibus & Imperium, & auctoritas eius plurimum creuit.

LXVII.

Britannicum bellum, cui *Wido*, limitis Britannici custos, finem imposuit, Francis Cis-Marinam peperit Britanniam.

Q

LXVIII.

LXVIII.

Bellum *Bauaricum*, cui *Pipinus* iam operatus fuit, *Tasilonem*, hominem varium, coniugis & malefidorum amicorum feruum, perfidiae grauiter punitae exemplum, ducatu suo & libertate priuauit.

LXIX.

Hunnicum Bellum octauo demum, quam incidit, anno finitum, *Tasilo* accendit, *Carolus* vero tanta virtute administrauit, vt bini, quibus *Marchiam* *Foroiuliensem* simul, ac *Boioariam*, inuaserant furibundi *Auares*, breui fortiter fuerint deleti.

LXX.

Recruduit tamen illud, orta super limitibus, *Anaso* quondam signatis, controuersia, quae

et origo fuit belli, quod posteriori

Tempore cum *Hunnis* *Franci* gessisse probantur.

Pro-

LXXI.

Productum variis Hunnorum claudibus, *Erico, Pipino, Wonomirro*, ducibus, donec ultimo malorum, discordia, Hunnos, nobilitatem inprimis, infestante, diuifisque ita viribus, ac deditionem quibusdam facientibus, colla sceptro *Caroli* submittere coacta fuit effrenis gens.

LXXII.

De *Bohemico, Slauico & Nordmannico* bellis, aliisque velitationibus, multis heic esse, nobis non licet.

LXXIII.

Ex titulis suis *Carolus Regis Francorum* elogium, cum *Carolomanno*, dum vixit, commune, hereditario iure a patre accepit, eo ab A. DCCLXVIII. ad A. DCCLXXV. isthac vsus formula: *Carolus, gratia DEI, Rex Francorum, vir iustus.*

LXXIV.

Adiecit isti *Longobardorum Regis* axioma, ab A. DCCLXXIV. ad A. CCM. isthac verborum serie potissimum scribens: *Carolus, Dei gratia Rex Francorum & Longobardorum, ac Patritius Romanorum*, adiecto sapissime elogio, *vir inluster.*

LXXV.

Accesit quoque; quod in priorifirmate iam conspiciamus, *Patricii Romanorum* ornamentum; iuxta *Pipinum, Carolo & Carolomanno*, olim iam ab *Stephano*, pontifice, collatum.

LXXVI.

Vis vocis vero alia *Romuli*, alia *Augusti*, alia *Constantini M.* aeuo, alia apud *Francos* fuit.

LXXVII.

Quum *Pipinus*, eiusque filios exornauit, iura defensionis Sedis Romanae innuis.

innuisse videtur ; nec sola, vt MABIL-
LONIO visum, verbi pompa constitit.

LXXVIII.

Eximiori vero sensu valere coepit
Patricii elogium, vbi **A.** 1555. in sol-
lemni panegyri Antistitum sacrorum
& Romanae Curiae Cardinum *Hadria-*
nus, pontifex, *Carolus* Romae eo salu-
tauit, & eligendi pontificem & Sedem
Apostolicam ordinandi, & sacros
omnium ordinum Antistites laudandi
potestatem ipsi eodem concedens.

LXXIX.

Eminens videlicet in urbem Ro-
mam dominium, ipsumque in pontifi-
cem atque populum Romanum desi-
gnauit imperium.

LXXX.

Vnde & *Leo*, pontifex, vtrimum
su

supremum istud ad fastigium enisus est,
per legatos suos *claves confessionis S. Petri;*
ac Vexillum Romanæ urbis, cum aliis muneribus,
Carolo misit, rogavitque, ut aliquem de suis O-
ptumatibus Romanam mitteret, qui populum Romanum,
ad suam (Caroli) fidem atque subiectionem
per Sacramenta firmaret ; cuius rei causa
deinceps etiam, Abbas Monasterii S.
Richarii, Engilbertus, Romæ adpulit.

LXXXI.

Per Misfos quoque suos iura Ro-
manis dixit, lites, pontificem inter ac
Romanos exortas, examinavit, alia-
que iura maiestatica exercuit, nulla
fere, in seculi præcipue rebus, ponti-
ficis auctoritate Romæ reliqua.

LXXXII.

Tandem incoante Anno 1000. ipso
Christi natali die, *Imperatoris Romanorum*
& Augusti titulus etiam adiectus fuit, in
D. Petri Aede rei diuinæ vacantem
coro-

coronante *Leone*, eodemque imperato-
rium honorem coronato adtutum
adoratione habente, circumfuso au-
tem populo adclamante : *Carolo Augusto*,
a Deo coronato, *M. & Pacifico Imperatori Ro-*
manorum, *vita & victoria!*

LXXXIII.

Confirmata non tantum nouo ist-
hoc titulo fuerunt *Carolo* & familiae ip-
sius, quae *Patricii Romanorum* encomium
adtulerat pridem; sed prae omnibus,
Orientalibus quoque, Europae prin-
cipibus & Regibus concessa Prædria.

LXXXIV.

Tantum abest, vt personato isti
Italo, eiusque perspicacissimo cetero-
quin Commentatori, subscribamus,
qui *Patricii* & *Imperatoris* elogia *Ad-*
uocati & *Defensoris* sensu, prae-
ter omnem rem, coarctant.

LXXXV.

LXXXV.

Nec mens & verba, pontificis pariter ac populi Romani, nec Scriptorum testimonia, nec genius & actiones ipsius *Caroli*, quae isti contendunt, admittunt.

LXXXVI.

Ipsi quoque *Caroli* numi, de *Renouatione* potius Imperii Occidentalis, quod inde ab *Augustulo* suspensum quieuit, testantur.

LXXXVII.

Quo autem titulo titulum Imperatoris, & quo largitore ipsum imperium *Carolus* acceperit? non vna omnium, qui hacce de re scripserunt, est sententia.

LXXXVIII.

Nos quidem omnium maxime arbitramur falli, atque fumos aperte vendere, qui pontificem heic omne tulise punctum clamitant, adeoque & huic
no-

nouum Imperatorem imperii munus
decusque, in acceptis referre debuisse,
gloriantur?

LxxxIX.

Neque illis accedimus, qui popu-
lum Romanum, suae libertati velut
restitutum, per se legisse *Carolus* & vo-
ce primi ciuis, id est, Episcopi sui,
pronunciasse contendunt.

XC.

Neque ab solo victoriae iure (quo
nulla vmquam constituuntur imperia,
neque etiam in Romanos vti potuit
Carolus) titulum vindicati imperii re-
petere audemus.

xcl.

Sed, Historiae filum sequentes, heic
plura in censum venire iudicamus,
quorum nullum temere praetermit-
tendum; occasiones tamen curate di-
scernendas a causis esse.

R

xcll.

xcii.

Longobardorum inuafiones, & res in Italia magis magisque efflorescentes, regnumque potentissimum; accisae Constantinopolitanorum vires, explorata tot annorum cladibus impotentia, summa inde Romae, Romani-que pontificis, senatus, populi-que necessitas, vti implorandi auxilia Francorum, ita & in eorum, in Italia iam superiorum, Imperium potius consentiendi, quam extrema patiendi, Romanis fuerunt occasio.

xciii.

Verae vero constituti Carolini imperii causae nomine laudamus Senatus Populi-que Romani luculentum consensum, Patritiae dignitatis, Imperatorii-que tituli sollemni collatione, atque publica inauguratione rite declaratum, postea

postea etiam per transactionem Nicephorianam plenissimam vim nactum, confirmatumque.

xclv:

Non praetermittendum postremo, conuenisse *Carolus* inter, atque *Leonem*, in mutuis compellationibus inter se *fratris* titulo posthac vtendi.

xgv.

Ceterum, non minori studio, prudentia atque auctoritate in secularibus et ecclesiasticis rexit, firmavit, tuitusque est regna sua *Noster*, quam adquisiuit fortitudine,

xcvi.

Francorum suorum leges, prout restulit, correxit, auxit, aliorum quoque populorum legibus collectis.

xcvii.

In comitiis *Aquisgranensibus*, vt alia eius rei documenta taceamus, at-

R 2

que

que Capitularia Caroli iam non expi-
lemus, A. lxxxv. speciatim, congregatis
ducibus, comitibus, cum reliquo Christiano popu-
lo & Legislatoribus, fecit omnes leges in regno suo
legi, et tradi unicuique hominum legem suam, et
emendare, ubicumque necesse fuit, et emendatam
legem scribere, et ut indices per scriptum indicas-
sent, & munera non accepissent, sed omnes ho-
mines, pauperes et divites, in regno suo iustitiam
habuissent, &c.

xcviii.

In Italia etiam publicas ipsum res,
continuo post notabilem coronatio-
nem Modoetianam, pro arbitratu suo
ordinasse, constat :

xcix.

De Feudis, magistratibus, admini-
stratione iustitiae, aliisque disposuit;

c.

Feudatariis ciuitatibus, ecclesiis ac
monasteriis Fodrum, Paratam &
Mansionaticum imposuit.

ci.

Quoties in Italiam venit, conuentus
Epi-

Episcoporum, Abbatum, ac Procerum Italicorum habuit: ut aliquam Italiae libertatis speciem praebuisse videretur;

cll.

Salicam legem nouo quoque regno isti intulit: ut in Italia tum Salica, Longobardica & Romana viguerint Leges.

clll.

In regendis provinciis, quas ipse frequenter adiit iustitiae administrandae causa, Ducibus, Comitibus, Missis; in tuendis limitibus usus est Marchionibus.

clv.

Comitia pleraque in praecipuis Germaniae ciuitatibus, vel Ingelheimii, vel Wormatiae, vel Aquisgrani, vel Paderbornae, vel Francofurti, mense Maio, cum Proceribus celebravit.

R 3

eV.

cV.

Tabulariorum publicorum instrumentum adparatumque curae cordique habuit.

cVI.

Primi secundique Ordinis, Cancellarios & Seriniarios, quos aluit, BERNARDUS à MALLINKROT recenset.

LVII.

Maioribus Domus substituit Comites Palatii, seu Palatinos.

cVIII.

Primas Vehmicorum seu secretorum in Westphalia iudiciorum origines in Historia *Caroli M.* non frustra quaeras;

cIX.

Licet illorum, quae postea eo nomine saeuierunt, Carolum ab iunioribus scriptoribus minus recte salutari auctorem, rectissime adferas.

cX.

cX.

Nostro debet Aquisgranum, ob thermas calentes ipsi ad vitae finem vsque deamatisimum Tertiaeque Romae decus splendoremque fere natum, quod merito audiat :

*Vrbs Aquensis, Vrbs Regalis,
Sedes Regni principalis,
Prima Regis Curia.*

cXI.

Almonam, amnem, cum Radantia coniungere, promptamque adeo navigationem ex *Rheno*, per Moenum, Radantiam atque Almonam in *Danubium* procurare, inani molimine conatus est.

cXII.

Insignum Imperialium, quae Noribergae atque Aquisgrani hodieque adseruantur, a *Nostri* repetere aevo, quidquid etiam speciosorum ab aliis obuertatur

tatur argumentorum , nulli ambigimus.

cXIII.

Spatham, seu gladium, prodeunti in publicum a Praefecto Praetorio fuisse praelatum, pro certissimo habemus.

cXIV.

Pomum etiam imperiale , seu globum istum aureum , eumque crucis auctum signo, eidem adscribimus.

cXV.

Aquilarum vero simulacra in publicum imperii morem inuexisse ipsum, ex veterum annalium pandectis exploratum satis, perspectumque, nobis nondum est.

cXVI.

Albinagii nomen & ius, ex translatorum a *Carolo* in Galliam Saxonum Albinorum historia, non inscite deducas.

cXVII.

cXVII.

Monetam *Carolus* non , nisi in palatio suo, fieri voluit.

cXVIII.

In Pontifices, Episcopos & Abbates, quoties de eorum electionibus, confirmationibus, vel litibus, actum fuit, partes suas *Carolus* egregie est tuitus.

cXIX.

Iubente eo, ad sacra confluxere comitia, eoque directore omnia egere Praefules.

cXX.

Postillarum lectio publica, Benedictio sacerdotalis, quam vocant, inaugurandis matrimoniis adhibita, Organica Musica & variae cultui externo splendorem conciliantes caeremoniae in templis; nec non Episcopatus & Monasteria plurima, scholaeque, in
S Saxo-

Saxonia, atque alibi ipsum habuerunt auctorem.

cXXI.

Pontifici donationem *Pipini* confirmavit, iure, principatu & ditione sibi retenta, vt loquitur CAROLUS SIGONIUS.

cXXII.

Inclinante aetate cum aduersa valetudine frequenter est conflictatus, librorum, diuerso idiomate scriptorum, collatione, aliorumque lectione, quorundam etiam scriptione, tempus fallens.

cXXIII.

Diuisit regna A. lccccvi. iam inter filios, *Carolum*, *Pipinum*, *Ludonicum*; reliquit, si ab Italia, quae *Bernardo*, ex *Pipino* nepoti, cesfit, discesferis, *Ludonico*, soli post patrem superstiti, eidemque, antea iam sollemni Procerum adplausu destinato, succesfori.

cXXIV.

cXXIV.

Coniuges complexus est Hermingardam, seu Sibyllam, Longobardicam, iniuste (quod Adalhardus, Caroli patruelis, contendit, testibus PASCHASIO RATBERTO & S. GERARDO, apud BOLLANDUM) post annum, Pontifice, Stephano, auctore, dimissam;

Hildegardam, Sueuam;

Fastradam, seu Fastradanam; Franciae

Orientalis comitisam;

Luitgardam, Allemannam.

cXXV.

Coniuges inferioris conditionis, seu concubinas, eo tempore certis legibus non illicitas, aluit, quod scimus,

Mathalgardam, Rothildis, filiae, matrem;

Gersuindam, Adaltrudis genitricem;

Reginam, *Drogonem* & *Hugonem*, magnos postea Ecclesiae Antistites enixam;

Adelluidam, ex qua sustulit *Theoderichum*, filium.

cXXVI.

Filios ex *Hildegarda* suscepit, *Carolus*, Regem Francorum Orientalium, qui An. DcccXI. coelebs obiit; *Pipinum*, A. DccXXc. Italiae Regem factum, sed relicto filio *Bernardo*, A. DcccXIII. eiusdem regni rege creato, mortuum A. DcccX. *Ludovicum*, de quo deinceps agemus. *Filias*, male quidem, ob patris indulgentiam compositas & pessime obvenerea furta audientes illas, ex eadem, *Rotdrudim*, *Bertham* (cuius cum *Angelberto* matrimonium non aeque negari potest, ac *Emmae* cum *Eginhardo*) *Gislam*; ex *Fastrada*, *Theodradam*, *Hildrudim*; ex incerta concubina, *Rothaidem*, vidisse dicitur.

cXXVII.

Mortalis esse desiit A. lccccXIV. V.
Kal. Febr. febre, quam saepius antea
inedia correxit, enectus, Aquisgrani;
vbi Basilica, ab ipso magnis sumpti-
bus exstructa, Monumento, eius exu-
uias seruante atque ab Ottone III. re-
cluso, superbit.

cXXVIII.

Sanctorum Ordini, Friderico Bar-
barossa imperante, a Paschali III. ad-
scripti memoriam xxVIII Ian. die quot-
annis religiose, modico quidem Sa-
cerdotum commodo, recoli in Ponti-
ficiorum coetibus, latet, nobis non
memorantibus, neminem.

Co-

COROLLARIA.

I.

Philosophiae vox non humilitati, sed superbiae suam debet originem.

II.

Sapientia Socratem omnes vicisse viros, nec Delphicum edixit Oraculum, nec sapientum dicet quisquam.

III.

Uti fauentiores iusto expertus is est laudatores: ita iniquiores coniux Xanthippe habuit censores.

IV.

Ubi pleraeque exulascent disciplinae, usuque caruissent; ibi primas tenuisset Historia.

V.

Aegyptios, Babylonios, Phoenices, Sinenses, ambitiosa antiquitatis adfectione, omnium risum meruisse, indubium est.

VI.

Audiendi gentiles non sunt, ubi de ratione primorum temporum conferuntur rationes.

VII.

Sed nec eorum aliqua esse auctoritas debet, qui ex Christianorum coetu Pyrrhonismo in Chronologia antiqua iusto plus fauent.

VIII.

viii.

Nec, praeter Ebraicum codicem, ullius habenda ratio Conuerſionis ſacrarum litterarum.

ix

Primus omnium Monarcha fuit Nebucadnezar.

x.

Non eſt, quam ob rem albis excipiendoſ dentibus exiſtames, communis de IV Monarchiis Sententiae Patronos.

xi.

Croefus, rogo impoſitus, Solonis nomen non inclamauit.

xii.

Roma non eſt ab Romulo.

xiii.

Hypotheſi plus, quam fas eſt, inferuiunt, qui Carolingorum hiftoriae uſum in I. P. negant.

xiv.

In controuerſia de Ioanna Papiſſa cum Dauide Blondello facere malumus.

xv.

Richardum & Alphoſum ex Imperatorum indice non expungit decantatum axioma: Germanum eſſe Imperatorem debere.

xvi.

Torneamentorum ſolemnia ante undecimum ſaeculum quaerenda non cenſemus.

xvii.

xvii.

Ottoni III. nec Electoralis auctoritas instituti electoralis Collegii honorem adserere valet.

xviii.

Iustitia exauctorationum Adolphi Nassouici et Wenceslai probari nequit.

xix.

Comites Wurtembergiae acuo Wenceslai iam in Candidatorum imperii censum venerunt.

xx.

Sueuici fœderis socii Ducatum Wurtembergicum vendere non potuerunt.

xxi.

Angliae Aetholicae labem non inurunt infamem Henrici viii. in Annam Boleniam amores.

xxii.

Iohannes Faust, der Schwarz-Künstler/dum literae erunt, diuini beneficii auctor celebrandus est.

xxiii.

Quum uniuersales Propositiones merito censeantur periculosae: nemo ambigat, utrum sibi, an aliis plus detraxerit, qui veluti ex cathedra nuper pronuntiavit: Theologi inepti Doctores sunt historiae civilis.

xxiv.

Fœdus Anti-Turcicum nec suadendum, nec sperandum est.

xxv.

Eluio ista, qua primus periit mundus, omnino fuit uniuersalis.